

Jon

¹ Fun lo mok Anut mel fidian ta idiri na dugo, Ru in̄ yen la ya. In̄ Anut da dumado ya, agod Ru mi in̄sen Anut.

²⁻³ In̄ Anut ida dumadog, in̄ lo mel fidian dilasag dien da. Ta in̄ dal sen ta lo ilasa man tia geig a.

⁴ In̄ lo kumaen yen da, an lo mel fidian kumaen diñane ya, agod kumaen an tamolpein lo lilaman igane ilasa da.

⁵ Lilaman an tidom tubun lo ided da, agod tidom tubun an lilaman ituani san tia ya.

⁶⁻⁷ Aria, Anut tamol ta iganeg imug ilasa ya. In̄ yañan Jon dubol da. In̄ ipalug, lilaman san ru fun an tamolpein fidian ikubiai ipidinaip, duloñ pe, ilod lo rumok san.

⁸ Ak man Jon in̄sen lilaman amaiak tia ya. In̄ lilaman an niñen ru an ibol ilasa dop duloñ o ipalu ya.

⁹ Lilaman a lilaman mok an, tan na idup tamolpein fidian lilaman ipidinai o ipalu ya.

¹⁰ In̄ lo mel fidian dilasa ya, agod in̄ tan en lo kuai isig imado la yak bo man, tamolpein diñaon geig a.

¹¹ In̄sinanen tan lo ipalu ya, ago gug muroun muroun an in̄ diñane man dumoi.

¹² Ak man tamolpein a in̄ diñane yan, agod in̄ yañan tubun ak ilod lo rumok an fidian, Anut nanun dilasa san dabai in̄ ipidinai a.

¹³ In̄ tinad tamad sad dar lo, tia, tan san kagin lo, tia, tinid san kagin lo, Anut nanun muroun dilasa

man tia ya. Tia, Anut sen iginiaig, inanen nanun muroun dilasa ya.

¹⁴ Ru an tamol nuñon ilasag kuai isi a. Agog in man lulunama lo ida mumado na ya. Rumok, Bai Anut inanen Nanun kisaek o lian idinig ipalu ya, ago dugo Nanun an san girager tubun ak mile ya. Ilo panek in ru rumok da in tinin inane fute ya.

¹⁵ Aria, Jon malak malak in ninen o igo ibol iwagin, “Tamol emaiak ninen o nai nurupaian go alon na ya. Tamol a nai patug fo ipalu dan, nai irinagan dugo naisag malan te yak imado da. Man ata wo, wagam mi nai ta nilasa na yan in imado la ya.”

¹⁶ Insan ilo munanek tubun mok in lo awan isa ya, an lo binawek wei mi an inanen banin dibiseig id fidian tinane na ya.

¹⁷ Man dugo, Anut id Moses banin lo kubiaen ipanad a, gug ilo panek in ru rumok da man, Jesus Kristus lo mi ipanad a.

¹⁸ Tamol ta Anut kitek ile man tia geig a. Gug Anut a kisaek o lian an, Taman giranen na imado na ya, in tan na ipalug Taman ikubiai panad go talon a.

Jon Suguek san, ru kuai te ifulale ya

Mat 3:1-12; Mak 1:1-8; Luk 3:1-18

¹⁹ Jon ru e Jesus ninen o ibol ilasa yen man igo ya. Saen Juda gurman adi a Jerusalem na dumado dan pris aenta, Liwai adi da didinaig Jerusalem dubuseig diaug, Jon fun dulon o dusumianig dubol, “On enti i?”

²⁰ Agog Jon ru kuai tem irupidaig dulong a, in enti mok an ta itot na ya. In igo ibol, “Nai man Kristus tia ya.”

²¹ Ago tag in dusumianig dubol, “Ak on enti i? On dag profet Elaija wagam na yak fon palu boi?” Ak man in ibol, “Man tia.” An ninen o in fon dusumiani, “On dag profet a Anut ninen o ibol amaiak boi?” Gug in ibol, “Tia ya.”

²² An ninen o in dusumiani, “Ago tap, ubol pe malon, on enti mok i? Man tamol didinamag mupalu yan ata ru ta murupidaip dulong ak i? On onse nibe wo dugo ubol dak i?”

²³ Ago gug Jon profet Aisaia awan aban inaneg igo ibol, “Nai man tamol ta aben kawan ak ate iwagin emaiak san awan nisaiag nuwagin da, ‘Tubun en inanen dal akubune apani!’ ”

²⁴ Farisi adi lulong lo tamol aenta imug didinaig dupalu dugo, tamolpein dida dutur a.

²⁵ In dam Jon dusumianig dubol, “On Kristus, tia, Elaija, tia, Profet mititiani den dam tia yak ubol dan, ago tap, ata wo tamolpein suguek pidinai dak i?”

²⁶ Jon awad yabig igo ibol, “Nai tamolpein you lo mi nusuguai da. Gug tamol ta an lulongam lo itor dak an ta alon na da.

²⁷ Tamol an in nai patug fo ipalu da, gug in nai irinagan a. Nai seg iliag dak man, nai in san sendal nupasi san ta idaisuda na ya.”

²⁸ Saen an lo Jon panu Betani na imado dugo, you Jordan aen ate inanen suguek urat igane se ya. Panu ante kulob an fidian ilasa ya.

Jesus man Anut san Sipsip Nanun

²⁹ Agog dien dumasag nal tinin te yan, Jesus imasag Jon san na ipalu dugo, Jon malan yaug ile, agog ibol, “Ale dak, an Anut san sipsip nanun ipalu da. Inj ipalu dan lo, tan en san tamolpein sad kagin saiak fidian iragali pidinai a.

³⁰ Nai gubak mi tamol nek amaiak ninen o nabol a. “Tamol ta inj nai patug fo ipalu dan inj nai irinjanag go naisag tamol malan te yak imado da. Man ata wo, wagam mi nai ta njilasa na yan inj imado la ya.’

³¹ Naiseg man gubak mi inj tamol dugo yan ta njalon na ya. Ago yak man nai njupalug, tamol amaiak Isrel tamolpein njukubiai pidinaip dile dulonj o, you nam njusuguai se ya.”

³² Agog Jon mel a ile yan ninen igo ibol, “Nai Urgun kumaen panu ibiseig idu dugo njile ya. Insan leil man nek ibol muluk onj idug Jesus gumuran fo imado dugo njile ya.

³³ Naiseg man imug inj tamol dugo yan ta njalon na ya. Gug Anut enti tamolpein you nam njusuguai o idinag go njupalu yan, insen irupaiaag go ibol, ‘Onj Urgun ule dop idup, tamol ta tinin fo imado wa. Tamol nek an inj tamolpein Urgun lo isuguai a.’

³⁴ Nai njile njalon la ya, an lo nai inj ninen o ru nabol ilasa da, tamol en inj Anut Nanun mok a.”

Jesus megeloum malan malan injal a

Mat 4:18-22; Mak 1:16-20; Luk 5:2-11

³⁵⁻³⁶ Nal tinin te yan lo, Jon san megeloum uraru inj dida dutur dugo malad yaug, Jesus yau dugo dile. Jon Jesus ile tag megeloum irupudai, “Ale dak, on Anut san sipsip nanun, tamolpein ibinawai o ipalu ya.”

³⁷ Megeloum uraru an ru ago dulong tag, diaug, Jesus nien aban diri se ya.

³⁸ Agog Jesus idan sag, uraru an yil tag irupudai, “An ata mel o aban abi di?” Agog uraru an awan diabig dubol, “Rabbi (en fun man girek manau) on ab dugon te mado di?”

³⁹ Agog Jesus awad yabig ibol, “An apalup ale.” Ago tag in dida diaug, ab a ate imado dan dile ya. Nal an gurai idu ya, ago tag in dida atna dumado yang tidom idu ya.

⁴⁰ Megeloum uraru Jon awan dulong go Jesus da diau an, neinta yan an Andru, Saimon tein.

⁴¹ In Jesus ibiseig ririan yang tein Saimon abanan yabig, ileg irupe, “Man Mesias mile la ya.” (Yanak Mesias fun man Kristus.)

⁴² Agog tein Saimon in aneg, ida dumul Jesus san na dupalu. Jesus malan ti ibol Saimon ileg irupe, “On Saimon, Jon nanun. Gamu nai on yan sen ta Sifas nupate da.” (Grik ru lo Sifas fun man Pita dubol da, an “pat” igo won a.)

Jesus Filip in Nataniel da isu a

⁴³ Dien dumasag, Jesus distrik Galili na yau o ilo sou igane ya. In Filip ileg irupe, “On nai da tau a.”

⁴⁴ Filip in panu Betsaida dubol dan san tamol, an in Andru Pita da sad panu kisaek a.

⁴⁵ Filip Nataniel abanan yabig ileg irupe, “Man tamol a Moses in profet dida ninen o dubol dugo, girek lo digire emaiak mile la ya. In Nasaret tamol, yan an Jesus, Josef nanun.”

⁴⁶ Agog Nataniel ibol, “Mel uyan ak ta Nasaret na ka ilasa wak i?” Gug Filip ibol, “Onse palup ule.”

⁴⁷ Agog diau dugo, Jesus Nataniel inſan na ipalu dugo ile tag, in ninen o igo ibol, “Ale, an Isrel tamol mok. In ilon lo kagin sewak ak ta yen man tia geig a.”

⁴⁸ Ago tag Nataniel isumianig ibol, “On dugudo wonj nai fug ulonj i?” Agog Jesus awan yabig igo ibol, “Filip onj gamugo igio dugo, onse gurab dabin fo mado dugo njilio ya.”

⁴⁹ Ago tag Nataniel irupej, “Girek Manjau, onj Anut Nanun mok a, onj Isrel sad Kinj.”

⁵⁰ Agog Jesus ibol, “Nai onj gurab dabin fo mado dugo, njilio njabol an ninen o onj ilo lo rumok i? Ulonj ak, murnap onj mel tubun geig ak mel en irinjani an ule ulonj a.”

⁵¹ Jesus fon irupudai, “Nai rumok nunon mi njurupaianj da. Murna dop Anut kumaen panu awan ipasip, anj malam yaup, Anut san enel adi Tamol Nanun san na dusuda dudu dop eil a.”

2

Jesus you ibileksag wain ilasa ya

¹⁻² Nal uraru yau gug, panu Kana Galili distrik lo ante nug njanek san soubul digane. Jesus tinan ab an lo imado dugo, Jesus san megeloum dadi digiaig dupalug, nug njanek san soubul an lo dumado ya.

³ Nug njanek san soubul an diani diluk yaug you wain itout. Ago tag Jesus tinan imasag nanun irupeig ibol, “Injad you wain itout a.”

⁴ Ago tag Jesus tinan irupeig ibol, “Nei, ata wo onsa tini ganei njai lo gane dak i? Njaisag saen gamugo da.”

⁵ Aria, tinan yang urat pinein irupudai, “Urat biabi fidian irupaian dop, awan ari apani.”

⁶ Ab an lo bod tubun tubun ak 6 dutur dan ate you disirip, Juda sad kagin lo mi njied banid dufulani da. Bod kisaek kisaek an ate you 90 lita boi, tia, 140 lita boi, ago lo you disiraip dien da.

⁷ Aria, Jesus urat pinein sad na yang irupudai, “Bod an ate you asiri idup awad isa wa.” Ago tag in ibol ak atem ago digane ya.

⁸ Agog Jesus irupudaig ibol, “You an ta awalip asini aup, soubul san gurman apani.” Ago tag in you an disinig diaug dupani a.

⁹⁻¹⁰ Agog soubul gurman an you a ibileksag wain mok ilasa yan iluk ile ya. Ak man kulob an fun ta ilon na ya. Urat pinein a you disiri an in dulon ak man ta durupeil on na ya. An ninen tamol an nug njanek san pinein an iwagig ipalug irupeil, “Idsad tamol kagin man igodo ya. Wain uyanan mok ak imug doup tupidinaip duluk itout gup, murna wain kitek saian an tupidinai diluk da. Dugodog on ago ta gane na i? On wain uyan ak ilo isig yen gug gamu sini palu ya.”

¹¹ Kulob girager en Jesus san urat malan malan Galili distrik lo Kana panu na igane ilasa ya. An lo in san yanak tubun ak san dabal in lo yen dan kuai isig, in san megeloum dileg, in o ilod lo rumok a.

¹² Soubul an itout gug Jesus imasag, tinan, tein muroun, in san megeloum isug, dida panu Kaper-niam na dudug, ante kitek dida dumado ya.

Jesus Tempel lo yau a

Mat 21:12-13; Mak 11:15-17; Luk 19:45-46

¹³ Aria, Juda sad tumanek tubun ak, Pasova dubol dan san saen sumeik tag, Jesus imasag Jerusalem na yau a.

¹⁴ Inj yaug tempel san tumanek aben ilon lo iladug, makau, sipsip, anakanak a didaen lo digane yau imul se yan yil a. Aenta badim fo moni patun dibileksa dibilekla dugo yil a.

¹⁵ Ago tag Jesus rasau ipideg sen nam tamolpein fidian ifu ikudai dugo, makau, sipsip dam ikudai kuai te dilasa ya. Agog tebol an moni aman da ikulmaek idug, moni iratitaleg ifurak yau a.

¹⁶ Ago gug tamol anakanak didad se yan irupudai, “Ananem mel en fidian asup alasa. Anj naine g Bai san ab en ananep daden aben igo ta agane na wa.”

¹⁷ An ninen o inanen megeloum ru ta Anut san buk lo digireg yen dak ilod isou. Ru an igo ibol, “Nai onane ab ilog nupani mok da, an ninen o nai ilog saian dugo bubeg wananan geig da, an lo kankan an nai ilog yabi sakar dugo idudu wag da.”

¹⁸ Jesus ago igane dugo Juda gurman dileg, dumoi go dubol, “Onj ata kulob girager ta ganep manj milep malon ak, onj en so dabai ta lo igo gane dak i?”

¹⁹ Ago tag Jesus awad yabig igo ibol, “Nai ubou ab en njititale gup, nal utol lo mi fon nususe da wa.”

²⁰ Agog Juda adi Jesus durupe i, “Ab en ananar 46 lo diabig itout a. Gug gamu onj en nal utol lo mi wabisa da wo ubol dak i?”

²¹ Ak man Jesus ubou ab ninen ibol an, fun man in sen tinin ninen o ibol a.

²² Ago yak ninen o saen Anut Jesus mater n lo ifu- funig fon kumaen imasa yan lo, inanen megeloum

dileg ru a wagam mi Jesus inſen ibol an ilod isou. Agog ru girek a Anut san buk lo yen dan, agod ru a Jesus ibol an dam, ilod lo rumok a.

²³ Jesus tumanek tubun Pasova dubol dan san saen lo, Jerusalem na imado dugo, doup tubun an inanen kulob girager igane yan dile tag, in o ilod lo rumok a.

²⁴ Ak man Jesus inſen inanen tini ganei tamolpein an lo ta igane na ya, man dugo, in tamolpein an fidian ilod ilon fufei a.

²⁵ Tamol ta kankan naok dugo yak a tamolpein bubed lo yen dan ninen, Jesus ilon o kuai te ibol ilasa san urat aman tia ya. Man dugo, Jesus sen, kankan a fidian tamolpein ilod lo dien dan ilon pasik a.

3

Jesus Nikodemus ida diſinjen a

¹ Farisi sad tamol tubun ak ta yaſan Nikodemus. In Juda adi sad gurman ta, agod Juda sad kaunsil malan te yak lo yaſan yen da.

² Tamol an tidom ta lo Jesus san na yaug, irupe, “Girek Maſau, maſ malon ak Anut on idinog maſsama na girek maſau igo palu ya. Man dugo, tamol enti a Anut ida dumado dan mi, kulob tubun tubun a on gane dan in ka igane wa. In Anut san tia dop man, urat a gane dan igane san tia ya.”

³ Jesus awan yabig igo ibol, “Ŧai rumok nunon mi nſurupaio da. Isop tamol ta foun ta ilasa na tap, Anut san kagin panek aben ile san tia geig a.”

⁴ Ago tag Nikodemus awan yabig ibol, “Dugo won pe tamol in tinin tamol igane la yak afon foun

ilasa da wak i? Nag fon tinan tinanen lo ka iladup, nanuk igo won tinan igansi wak i?”

⁵ Jesus ru naon irupeig ibol, “Nai rumok nurupaio da. Isop tamol ta you in Urgan da lo kumaen foun ak ta inane na tap, Anut san kumaen panu ilon lo ta iladu na wa.

⁶ Mel tinik lo ilasa man tinik san mel mi a, nek ago mi, mel a Urgan igane ilasa dan in ur san mel a.

⁷ Gug on foun lasa wo nabol dan ninen o on masa saian umoi.

⁸ Tim man insen inanen ilon ibol ak lo yau imul da. Ago dop tim an liliyan mi ulon da. Gug in dugon te ipalug dugon te yau dan, on ta ulon na ya. Tamol a Urgan iganep, foun ilasa dan nek ago mi a.”

⁹ Nikodemus isumianig ibol, “En dugo won mok ilasa wak i?”

¹⁰ Agog Jesus awan yabig ibol, “On man Isrel lulunad lo insad girek manau mado ya, ago gug, ata wo mel an fun ta ulon na ubol di?”

¹¹ Rumok nunon mi nurupaio da. Man mel a malon an ninen o mi ru mabol da, agod man mel a mansema malama nam mile yan mi tamolpein naod na mabol ilasa da, ago bo man an tamolpein mananema ru anane wan amoi da.

¹² Nai tan san kagin ninen o imug mi nurupaian a, ak gug an ilom lo ta rumok na ya. An ninen o, dugo, nai fon kumaen panu san melmel an ninedi wo nurupaian dop man, an dugo won pe an ilom lo rumok ak i? Man tia geig a.

¹³ Tan en san tamol ta kumaen panu lo iladu man tia ya. Tamol Nanun in mi aben an lo iladu ya. Man dugo, inanen fun panu man tan en san tia

ya, tia, gubak mi in Anut da dumado gug, kumaen panu ibiseig idug tan na ilasa ya.

¹⁴⁻¹⁵Wagam Moses Isrel adi dida aben kawan ak ate dumado dugo mot dilasag, tamolpein diratai se ya. Ago yak ninen o Moses ai igunig, mot mitilaen ta yabisag isunani a. Talpein mot mitilaen ile dan, imat san tia ya, tia, kumaen imado ya. Nek ago mi Tamol Nanun diabisap dusunani wa. An ninen o tamolpein a fidian najai o ilod lo rumok dan, in kumaen pempem san dinane wa.

¹⁶“Anut in tan en san tamolpein ninedi wo imat, an ninen o inanen Nanun kisaek o lian an ipanad a. An lo tamolpein in o ilod lo rumok tap, ta dideg diau na wa. Tia, in kumaen pempem yen san dinane wa.

¹⁷Man dugo, Anut inanen Nanun tan na iganeg ipalu yan, in tamolpein bitinaek lo idiraip naon muruan ipidinai wo ta ipalu na ya. Man tia. In ipalu yan lo tamolpein patud ipasi dop, pitininek aben lo ta diau na wa.

¹⁸Enti in o ilon lo rumok dop man, Bitinaek Tamol in muruan ta ipani na wa. Gug enti in o ilon lo rumok tia yan in ideg yau san dal lo imado la ya. Man ata wo, in Anut Nanun kisaek o lian an ninen o ilon lo ta rumok na ya.

¹⁹Bitinaek Tamol yil saian man fun igo ya. Lila-man tan na idu la ya, ago gug tamolpein lilaman an patud dupani dugo, tidom tubun lo dumado wo dumat da. Man dugo, in kagin saiak saiak mi digane wo dumat da.

²⁰Tamolpein kagin saiak digane dan in lilaman dumoi go san ager dumado da. In lilaman lo dupalu san dumoi, man dugo, kabelan inaned kirem

saian an kuai te ilasa banau.

²¹ Gug talpein a in kagin rumok ak igane dan in lilaman lo ipalu dop lo inſan urat uyan ak walal te ilasa wa. Ago dop tamolpein a talpein an leil dupani dan, in dile duloŋ ak, talpein an Anut san dabai lo inſan urat fidian igane da.”

Jon Suguek san in Jesus fun kuai ipani a

²² Aria, murnag Jesus megeloum dida dumasag, Jerusalem dubuseig, Judea aen ate diaug, ante dida kitek dumado dugo tamolpein suguek ipidinai.

²³ Ago dugo Jon dam sasau Ainon dubol dak ate, aben Salim sumeik an, ante imado dugo tamolpein inſan na dupalug you lo isuguai se ya. Man dugo, you kuror ak aben ante dien da.

²⁴ Saen an lo man gurman Herod in Jon subanek lo gamugo igane ya.

²⁵ Aria, Juda tamol ta ipalug, Jon san megeloum dida Juda sad you sugug kagin ninen o fun diganeg nug dupei.

²⁶ Ago tag Jon san megeloum diaug durupeig dubol, “Girek maŋau ule, tamol a gubak mi oŋ in da you Jordan aen ate amado dugo, in ninen o ru fulale amaiak, in tamolpein suguek ipidinai dugo fidian inſan na mi diau da.”

²⁷ Agog Jon ru naon igo irupidai, “Uyan, talpein ta inſinan dabai lo mel ta inane san tia ya. Tia, in binawek Anut kumaen panu lo iganeg idu an mi ka inane wa.

²⁸ Ansem gubak mi ŋai ru kuai te ŋabol ilasa dugo alon la ya. Ŋai Kristus tia ya. Ago yak man ŋai Anut sen idinag go Kristus naon na ŋanug ŋupalu ya.

29 Tamol ta in pein da nug dinane tap, pein an tamol an san. Go tamol sen ak turan an patun fo sumeik itur dan in san turan an awan ilon, an ninen o ilon uyanan geig a. Nai man Kristus san turan, tamol pein in san na diau dan neil dop, ilog uyanan geig da.

30 Ago yak ninen o in yan an tubun mi imasap yau dop, nai yan ag ka idu wa.”

31 Tamol in lak nag idu yan in yan an tubun geig a, mel fidian in paen na dumado da. Tan en san tamol man in tan en san ru mi ka ibol ilasa wa. Gug tamol a kumaen panu log idu yan man fidian irin anai a.

32 In mel a fidian yil an, agod mel a fidian kududon ilon an dam, tamol pein naod na ibol ilasa da. Ak gug in san ru tamol pein an fidian irin anai yau on dugo, dulon o dumoi.

33 Gug tal pein enti ru an in aneg yabi sakar dan, kulob an lo ikubiai tile yak in san ilo rumok igo ya, “Anut san ru an ru rumok.”

34 Man dugo, Tamol a Anut idinig idu yan, in awan Anut san awan aban mi in inen da. Ata wo? Anut in Ur kabelan ka Tamol an ta ipani na da, tia, in san Ur tubun mi in lo awan isa wa.

35 Bai in anen Nanun o tubun mi imat go, mel fidian in banin lo idiri a.

36 Ta in Anut nanun ilon lo rumok tap, in kumaen pempem yen san in ane la ya. Gug in a Anut Nanun patun ipani dan, in kumaen pempem yen san ta ile na wa. Man ata wo? Anut san tin ae saiak in lo yen da.

4

Jesus Sameria pein ida dininjen a

¹⁻³ Jesus tamolpein wei mi inſan na dupalug inanen megeloum dilasa gug isuguai a. Tamolpein a Jesus isuguai se yan san sutek man Jon san irinani a. (Jesus inſen tamolpein ta isuguai na ya. Tia, inanen megeloum mi urat an digane ya.) Farisi adi Jesus dugo igane yan dulon, an ninen o ta in Jesus irupei ilon. Ago tag in Judea ibiseig fon imul Galili na yau o turen yabi a.

⁴ Dal an Sameria dumado dak titinjaem idug yau a.

⁵ In yaug Sameria sad panu ta, yan an Sikar dubol dan ate ilasa ya. Aban an tubud baged Jakob nanun Josef tan ipani an siniren na sumeikan a.

⁶⁻⁸ Aria, Jesus turen yabig yau do nad ad titinjaem mi an in urei ifuni gug, you gib an fun na ilasa ya. Gib an Jakob san you gib dubol da. In yaes ibal o imasig imado ya. Gug inanen megeloum man in anan didad o panu na diau la ya, agod Jesus mi inſen kisaek imado. Agog Sameria pein ta you gib an isiri wo idu nad Jesus ile ya. Jesus in you o imat saian tag, pein an irupei, “You kitek sirip panag naluk.”

⁹ Juda in Sameria da man nug lo siai dumado da, agod in nug san anan ta diani na da. An ninen o pein an imasa saian go irupei, “On ata wo nai on you nupanop, uluk o ubol di? On Juda, agod nai man Sameria.”

¹⁰ Jesus pein an ru naon irupeig ibol, “On talpein e, ‘you panag naluk’ ago ibol an, agod Anut san lou panek an dam ulon uyan ak man, on in sumiani dop, you kumaen san an ipanop uluk a.”

¹¹ Ago tag pein an Jesus irupeï, “Tamol tubun en, oñ you kapen ama tia ya. Agod you gib en kuror kasik a. Ago yak niñen o you a kumaen san an oñ dugon te ñane wak i?”

¹² Idsad tubud baged Jakob in you gib en yabig mañ ipanama ya. Inñen you en iluk na ya, inñanen nanun muroun dam, makau, sipsip dam you en diluk na ya. Ak nag oñ in riñani ubol di?”

¹³ Ago tag Jesus pein en awan yabig ibol, “Ta in you en iluk tap, in fon you o imat da wa.

¹⁴ Gug ta in you a ñai ñupani wan iluk tap, in afon you o ta imat na wa. Rumok, you a ñai ñupani wan, in ilon lo pempem ibanai ilasa dop, kumaen pempem yen san ipani wa.”

¹⁵ Ago tag pein an ibol, “Tubun en, oñ you an ñai panag. Agop ñai fon you o ñamat dop, you ñisiri wo ta ñupalu na wa.”

¹⁶ Jesus awan yabig irupeï, “Oñ waup, oñane iwo ñane gup, fon ente ida apalu.”

¹⁷ Agog pein an ru naon irupeig ibol, “Ñai iwog tia ya.” Ak man Jesus ibol, “Oñ iwo tia ubol dan rumok a.

¹⁸ Oñ wagam tamol faiv uñal la ya. Gug gamu tamol a in oñ ida amado dan man in oñsa iwo tia ya, an niñen oñsa ru ubol an ru rumok geig a.”

¹⁹ Pein an ago ilon man, imasa saian go Jesus irupeï, “O tamol tubun en, ñai ilog isafulale ya. Oñ Anut san profet.

²⁰ Dugudo, mañ tubum murouma in did en fo dutumanig, Anut ubou an dile na ya. Gug an Juda man Jerusalem na mi aup, ante Anut ubou an ale wo asue ti abol da.”

²¹ Ago tag Jesus irupei, “O pein, ru e ñurupaio den ilo lo rumok pe wabi. Nal ta idu dop, ate Bai Anut san ubou leil an did en fo, agod Jerusalem lo dam, ta agane na wa.

²² Anj Sameria adi Anut a niñen o ubou ale dan ta alonj uyan na ya. Gug manj Juda man inj malonj uyanan a. Man ata wo? Anut tamolpein injal pe patu pasek ipidinai san dal man Juda sad dar lo ilasa ya.

²³ Gug nal ta idu wo yan gamu nek e ilasa la ya, ante man tamolpein ensauta a kagin nuñon ak lo mi Anut san ubou an dile dan, Urgun lo, agod ru rumok ak da, inj niñen o ubou dile wa. Man dugo, Anut ensauta a ubou naok ago digane dan mi yil o abañad yabi da.

²⁴ Anut man inj Ur a. Fun an niñen o, tamolpein ensauta a inj kagin nuñon ak lo mi ubou an dile dan man, inj Urgun lo, agod ru rumok da, inñsan ubou an dile wa.”

²⁵ Ago tag pein an Jesus irupei, “Ñai ñalonj ak, Mesias ipalu da. Inj id ibinawad san Anut ipiliani a. Inj ipalu gup, mel fidian kuai te igane ilasa dop tile talonj a.”

²⁶ Agog Jesus pein an irupei, “An bo ñaiseg, nek e onj da tinjenj da.”

Jesus san megeloum dumul dupalu ya

²⁷ Jesus pein ida diñjenj di dumado dugo inñanen megeloum dupalug dilasa ya. Ago dile man inj durut saian geig a. Gug inj lulunjad lo tamol ta kisaek Jesus isumianig, “Onj ata ipano wo ida anjenj i?” tia, “Onj ata wo ida anjenj i?” ago dubol man tia ya.

²⁸ Agog pein an you kapen igansig you fun na yen dugo, imul panu na yaug tamolpein irupudai,

²⁹ “Apalup, tamol ta in̄ n̄ai kulob n̄igane na yan fug fidian ifulale idu pasik an ale. Dag in̄ Kristus boi?”

³⁰ Ago tag fidian panu dubuseig, Jesus dile wo you fu na diau.

³¹ Agog Jesus san megeloum in̄ durupei, “Tubun ak, oñ gidad nuai a.”

³² Gug in̄ awad yabig ibol, “N̄ai anañ sen ta amag da yak, an n̄ani san an an̄ ta alon̄ na ya.”

³³ An nin̄en o in̄anen megeloum nug durupeig dubol, “Dag tamol ta anañ isini ipalug ipanig yani la boi?”

³⁴ Gug Jesus irupidaig ibol, “N̄aisag anañ man igo ya, n̄ai Bai idinag go n̄upalu yan in̄anen awan n̄uri n̄upanip, in̄anen urat n̄iganep itout pasik a, an mi n̄aisag mel tubun a.

³⁵ An̄ igo abol, ‘Kalam iwoiwo yau gup man anañ ibes idu wa.’ Gug n̄ai rumok n̄urupaian̄ da, malam yaup abañ ale, an̄ gidad anañ ale alubani. Nun̄on tales san saen idaisudag yen da.

³⁶ Tamol in̄ anañ nun̄on urat an igane dan, in̄ naon uyanan in̄ane wa. In̄ tamolpein itumanaip, kumaen pempem yen san diñane wa. Urat an fun igane la ya. Ago dop tamol anañ piapae san, nun̄on iles san an ida sisem sed iyun̄anai a.

³⁷ Fun an lo, ru a tamolpein diñin̄en na yan nun̄on ilasa ya, ‘Tamol ta kisaek anañ ipae da, ak gug tamol sen ak anañ iles da.’

³⁸ N̄ai an̄ abi a ante anañ ta apae na yan lo, anañ ales san urat agane wo n̄idinan̄ go au a. Tamolpein

aenta abi an lo urat tubun mi digane la ya. An injsad silali naon anjane ya.”

Sameria wei mi ilod lo rumok a

³⁹ Sameria panu an san tamolpein wei mi in pein an san ru dulong go, Jesus lo ilod rumok a. Man dugo, pein an ibol, “Nai gubak mi kagin dugo ngigane na yan fidian irupaiag a.”

⁴⁰ An lo saen Sameria adi Jesus san na dupalu dugo, in kitek dida dumado wo dusumiani a. Ago tag nal uraru ante dida dumado ya.

⁴¹ Gug gamu tamolpein nen wei geig in Jesus sen awan lo ru dulong ak ninen o ilod lo rumok a.

⁴² In fidian mi pein an durupein, “Gamu en man onsa ru mi malon ak o iloma lo ta rumok na ya. Tia, mansema Jesus sen awan lo ru malon ak o iloma lo rumok geig a. Agod man malon ak, nek tamol emaiak, rumok nunon mi, in tan en san tamolpein fidian sad patu pasek tamol.”

Jesus kin san urat tamol nanun ikubune ya

⁴³ Nal uraru an itout go, Jesus Sameria adi ibisawaig imul Galili na yau.

⁴⁴ Gubak mi Jesus in sen igo ibol ilasag ibol, “Anut san profet in sinan panu fun lo man yanjan tia ya.”

⁴⁵ Aria, saen in Galili na ilasa dugo, tamolpein dileg duyunan a. Man fun dugo, in dam Jerusalem na nal tubun an lo, kulob kulob a ante igane yan dile yak ninen o, ago malan dupare ya.

⁴⁶⁻⁴⁷ Agog Jesus fon Kana panu na ilasa ya. Panu ante imug you ibilisag wain ilasa ya. Ante imado dugo, kin san urat tamol gurman ta nanun Kaper-niam na imado yan, subam ifuni saian. In Jesus Galili distrik lo imado yan ilon tag, imasag ririan

Jesus san na yau. In yaug, inanen nanun imat o itor dan, Jesus ikubunep uyan ilasa wo imosiai a.

⁴⁸ Agog Jesus irupei, “An tamolpein pempem kulob ta girager aman da yak, agod kulob a urer san dam ale wo ilom ibol da. Tia dop, an ilom lo ta rumok na wa.”

⁴⁹⁻⁵⁰ Ago dugo kin san urat gurman an fon in igudanig ibol, “O Tubun ak, on palu kisaek on. Kabelan naineq nanuk imat banau.”

Jesus awan yabig ibol, “On wau, onane nanu uyan imado wa.” Aria, tamol gurman an Jesus san ru ilon lo rumok go yau.

⁵¹ In yau on dugo, inanen urat pinein dal na naon ditareg durupei, “Onane nanu uyan ilasag imado da.”

⁵² Ago dubol tag, in isumianai, “Ad mitilaen dugo won dugo tinin kitek uyan i?” In awan diabig dubol, “Nor ad isakek o itor dugo, tinin ibubarum a.”

⁵³ Ago tag taman fon ilon isoug, nor nek ad ago Jesus irupeig, inanen nanuk uyan imado dak ibol a. Agog in Jesus ninen o ilon lo rumok dugo, inanen muroun muroun dam fidian ilod lo rumok a.

⁵⁴ Jesus in Judea ibiseig Galili na ipalu gug, kulob girager en igane ya. Kulob en Jesus san urat girager tinin te yak Galili distrik lo igane ilasa ya.

5

Jesus tamol ta you Betesda ante ikubune ya

¹ Murnag Juda adi sad tumanek nal tubun ak ta ilasa wo dugo, Jesus dam Jerusalem na yau.

² Jerusalem man pat nam ar dufou dulubani a. Ar san dalawan wei mi dien da. Dalawan ta

“sipsip sad dalawan” dubol dan te you saltek ta yen da, Hibru ru lo yanjan Betesda dubol da. You an aen te lalai miriau faiv ate dien da.

³⁻⁴ Lalai miriau an ate man tamolpein subam funfun amad da yak ate dumado da. Aenta malad tia yak, aenta n̄ied saian ak, aenta n̄ied banid tubabun ak, ante eñel ta ipalup, you lo idup you ila iso dop, dile wo mala nouk dumado da. Gug enti in̄ imug you lo idu dan in̄anen subam itout a.

⁵ Aria, tamol ta in̄ miriau ante anañar 38 subam in̄aneg imado ya, in̄ itor san tia, ago yen oñ se ya.

⁶ Jesus tamol an ile dugo, in̄ saen milaen mok subam anda yen na yan durupeï a. Ago tag Jesus isumianig ibol, “Dugo, oñ tini uyan o ilo ibol di?”

⁷ Ago dugo subam tamol an Jesus awan yabig ibol, “Awo. Tamol tubun en, uloñ, saen you ila iso dop, ñai tamol ta ibinawag pe, you lo ibilag ñadu san tia ya. Ñaiseg ñibitinae ñadu wak, gug aenta mi in̄ ñai dirin̄anag pe dunug dudu da.”

⁸ Ago tag Jesus irupeï, “Masa utur pe, oñane gadab an wabisa sinip wau.”

⁹ Jesus ago ibol an ririan tamol an tinin uyan ilasa, agog imasa itur go in̄anen gadab an yabisa isinig yau.

Kulob an man Juda sad ubou nal lo ilasa ya.*

¹⁰ Ago yak niñen o Juda adi tamol a tinin uyan an dupeig dubol, “Gamun yaes bilabal san nal, oñsigane gadab sinip utur san man geg mok a.”

¹¹ Ago tag in̄ ru naon igo ibol irupudai, “Tamol a ñai ikubuniag an in̄sen ñai irupaïag go ñaisag gadab in̄aneg ñau da.”

* **5:9:** Judah sad ubou nal an Sarere, nal an Sabat dubol da.

12 Ago tag fon dusumiani, “Tamol enti on ago gane wo irupaio i?”

13 Ak man tamol uyan ilasa an in tamol a in ikubune yan ta ilon na ya. Man dugo, tamolpein doup tubun mok an lo Jesus lulunad lo yau imi-anuk a.

14 Murnag Jesus tamol an tempel ilon lo ile tag irupeig ibol, “Ulon, gamu on uya la ya. On fon kagin saian ak ta gane na wa. Kabelan muruan nen tubun geig ak ta on lo ilasa banau.”

15 Agog tamol an yaug, Juda gurman adi irupudai dulon, “Tamol a nai ikubuniag go uyag an man yanjan Jesus.”

Anut Nanun lo id kumaen tinjane wa

16 An ninen o Juda adi Jesus yaes bilabal nal lo urat igane an ninen o tinjaed saian go fun diganeg muruan dupani se ya.

17 Ago tag Jesus irupudai, “Naisag Tamag in nal fidian urat igane yau da, an ninen o nai dam nek ago njigane da.”

18 Ru an ninen o Juda adi tinjaed saian go, Jesus dufuni imat o maeg tubun mi digane na ya. An sabat nal ipilali ak ninen o mi in ago ta digane na ya, tia, Anut in taman mok ibol ak, ru naok an lo in sen Anut da tou kisaek mi ibol da, an lo tinjaed tubun mi saian a.

19 Jesus irupidaig ibol, “Nai rumok nunon mi njurupaian da, Nanuk man in sen ilon nam mel ta igane san tia ya. Tia, in Bai san banin leil ipani dugo, kagin naok dugo yak igane dan ago mi in dam igane wa. Man dugo, urat dugo Bai igane dan mi Nanun dam igane da.

²⁰ Taman in Nanun o imat go, urat fidian igane dan ikubiai panig ile ilon a. Awo, an amasa saian san urat tutubun geig ak taida ngane wo ikubiai panag a. An urat e gamu igane den irinani geig dop arut saian a.

²¹ Ata wo? Taman in tamol dumat ak fon iburousap kumaen ipidinai san ilon a. Nek ago mi Nanun dam in sen ilon ibol ak atem, enti kumaen ipani wan ago igane wa.

²² Taida mi, Taman in tamolpein ta bitinaek lo ta idirai na da. Tia, urat an man Nanun mi banin lo igane pasi a.

²³ Taman ilon man, nek ibol tamolpein Taman yanjan disini dak igo won, in fidian Nanun dam yanjan disini wa. Talpein enti a Nanun yanjan ta isini na dan man, Taman a Nanun iganeg ipalu yan dam yanjan ta isini na da.

²⁴ "Nai rumok nunon mi nurupaian da. Talpein enti in naisag ru ilon dugo, Anut nai idinag go npalu yan ilon lo rumok dan, Anut ru ibol pe talpein an ideg yau ak ta mok igane na wa. Tia, talpein an kumaen pempem san inane la ya, in matej san dal ibisei lag, gamu kumaen san dal lo itor da.

²⁵ Nai rumok nunon mi nurupaian da, nal ta idu wo igo yan gamu nek e ilasa la ya. Nal an lo tamolpein gamu matej san dal lo dutor dan Anut Nanun awan dulon a, ago dop a in awan dulon dan, kumaen pempem san dinane wa.

²⁶ Bai in kumaen san taman imado dak ago mi Nanun dam in kumaen an ipani a, an ninen o in dam kumaen san fun imado da.

²⁷ Agod in Nanun tamolpein bitinaek lo idirai

san dabai ipani a, man dugo, in Tamol Nanun a.

²⁸ “An mel an ninen o arut saian amoi, man dugo, nal idu dan te dop, tamolpein a fidian sad mutou lo dien dan inſan awan dulon a,

²⁹ agop inſinad mutou awan dibiseip dilasa wa. Tamolpein ensauta a kagin uyan ak digane na yan dumasap kumaen pempem san dinane wa, ago dop a in kagin saiak saiak digane na yan dumasap Anut ibitiniai gup dideg diau a.

³⁰ Nai seg ilog nam mel ta ngigane san man dabai amag tia ya. Nai bitinaek ngigane den man Bai sen irupaig ago mi ninane da, an ninen o naisag bitinaek man uyan a. Man ata wo, naiseg ilog nurig, urat ta ngigane na da, tia, a in nai idinag go npupalu amaiak ilon mi njiri wo yaes isofutanag da.

Tamol aenta Jesus fun ninen o dubol

³¹ “Naisag nineg o mi ru nabol dop man, idsad kubiaen ibol ago tamol kisaek san ru an dabai aman tia ya.

³² Ak man talpein sen ak naisag ru dabai ipani da, agod nai nalon ak in nai nineg ru ibol dan inſan ru man rumok a.

³³ “An gubak mi tamol adinaig suguek san Jon san na diaug, nai nineg o mi ru rumok ak kuai tem ibol dugo dulon a.

³⁴ Gug tamol ta naisag ru en dabai ipani wo ru ta nabol na da, tia, an nai o ilom lo rumok pe, Anut patum ipasi wo ru en nabol da.

³⁵ Jon man in sul igo won ided dugo tamolpein lilaman ipidinai a. In imado an lo saen katukan mi an ilo uyan am da inſan lilaman lo amado ator na ya.

³⁶ “Ak man mel ta ibalsinag go naj nineg ibol ilasa dan, Jon san ru irinani a. Urat e nigane den, urat nek emaiak nigane itout o Bai banig lo iganeg nigane da. Urat nek en naj nineg o ikubiai panan dak, Bai insen naj idinag go nupalu ya.

³⁷ Agod Bai a naj idinag go nupalu yan insen, ru rumok naj nineg o ibol a. Ago gug an kududom in awan kitek dulon man tia, agod tinin san leil an dam ale man tia ya.

³⁸ Inanen ru dam an lo tia ya. Man dugo, Bai naj idinag go nupalu ya, ago gug naj o ilom lo ta rumok na ya.

³⁹ An ru a Anut san buk lo yen dan lo aban tubun mi ale da, man dugo, an ilom igo isou da, ru an lo kumaen pempem san anane wak abol da. Ak man ru nek emaiak naj nineg o mi ibol na ya.

⁴⁰ Ago bo man, an naisag na apalup, kumaen an anane wo man amoi da.

⁴¹ “Gidad tamolpein naj yanag diabisa wo digane bo man, insad per panek ta ninane na wa.

⁴² Ak man naj an nalon fufei, ansam kagin man sen a. Agod naj nalon ak, an ilom lo man Anut o ta amat na da.

⁴³ Naj Tamag san yan an lo nupalu ya. Ago gug an naj ta aniliag na ya. Gug tamol sen ak insen yan an lo ipalu dop man, an in ayunan wa.

⁴⁴ An Anut mi sen kisaek san na yanak tubun anane san amoi da, ago gug ansem nug teim taom lo mi yanak tubun ak anane wo agane da. An ago agane tap, dugo won naj nineg o ilom lo rumok ak i?

⁴⁵ “Ago yan ninen o kabelan an ilom lo naj Bai naon na an ru lo nidan ak abol banau. Tia, tamol

enti a an ru lo idiran amaiak Moses mi a. An ilom lo in murnap ibinawan o abol, agod in lo mi ananem tini gane agane da. Ago bo man, in ru lo idiran a.

⁴⁶ An Moses san ru ilom lo ta rumok na ya. An ru an ilom lo rumok nunon ak man, an gamu ananem ilo rumok nai lo agane wa. Man dugo, Moses nai ninjeg o ru igire ya.

⁴⁷ Gug an insan ru igire yan ilom lo ta rumok na ya, an ninjen o, en dugo won pe an naisag ru ilom lo rumok ak i?"

6

Jesus faiv tausen tamolpein anan ipidinai a

Mat 14:13-21; Mak 6:30-44; Luk 9:10-17

¹ Murnag Jesus anen megeloum dida dumasag wog dinaneg, you Galili awan aen ate diau. You an yan an neinta Taiberias dubol da.

² Tamolpein wei mi Jesus njen aban fo diau, man dugo, in tamolpein subam amadi da yak ibinawaig uyadi dugo kulob girager dile amaiak njen o in njen fo diau na ya.

³ Jesus inanen megeloum dida diaug tan bubun fo disida diaug, ante dumasig dumado.

⁴ Nal an man Juda sad nal tubun, tumanek tubun san nal Pasova dubol dan san saen sumeikan a.

⁵ Agog Jesus malan ila iso ak man tamolpein wei mi insan na dupalu dugo yil a. Ago tag in Filip irupe, "Id dugon te anan ta tadad pe, tamolpein en diani wak i?"

⁶ In ilon lo, mel dugo igane wo man yen la ya, ago gug Filip ikubiani wo ago isumiani a.

⁷ Aria, Filip imasa saian go ru naon igo ibol, “Id gidad pat tubun mi lo anañ tadad bo man, tamolpein en kitek kitek dianip ta idaisuda na wa.”

⁸ Agog megeloum ta Andru, Saimon Pita tein, amaiak Jesus irupein,

⁹ “Pinein nanun ta ente imado da, in baret bali faiv, agod iy uraru aman da ya. Ago yak man, dugo won pe ate tamolpein warou tubun en tufutaip idaisuda wak i?”

¹⁰ Gafurfur* uyanan ante yen da, an ninen o Jesus megeloum irupidaig ibol, “Tamolpein arupidaip ante dumasi.” Ago ibol go in gafurfur fo dumasi a. Tamol mi sad sutek man faiv tausen igo ya.

¹¹ Agog Jesus baret inaneg, Anut ilo uyan ru ipani gug, an fidian iwae pidinaig diani a. Iy dam nek ago mi iganeg, inaned ilod ibol ak ate mi diani a.

¹² Diani itout an inanen megeloum irupidai, “An anañ samsamun yen dan atumani. Kabelan anañ samun ta kawan tibidani banau.”

¹³ Ago tag anañ samsamun dutumanig, sareg 12 tutubu yak ditane idug, awad isa ya.

¹⁴ An ninen o tamolpein kulob girager dabal an dileg, agog nug lo dininon go dubol, “Rumok nunon, an ilom dugo isou dak i? En man tag Profet a Anut gubak mi ibol amaiak tan na ipalu wo tamol nek ema ya.”

¹⁵ Gug Jesus ilon ak, in dupalup, dabal nam diabip, dinane diaup insad kin digane ilasa wo da. An ninen o in tamolpein an ilod lo sen ipasig did giranen na yaug imado se ya.

* **6:10:** Kurkur

Jesus you aten fufo yau a

Mat 14:22-33; Mak 6:45-52

¹⁶ Gurai idu dugo, Jesus san megeloum you tilianek Galili lo na dudu ya.

¹⁷ Inj loŋ na diau a, ak man Jesus injsad na ta ilasa na ya. Ago tag inj wog lo dusudag, Kaperniam na dumul diau wo loŋ dibiseig, you titiŋaem dututeg diyawai a. Saen diyawai dugo tidom idu yak man, Jesus nen gamugo loŋ na ta idu na ya.

¹⁸ Saen an lo tim tubun ak ifure dugo, tamun dam tubun mok imasa ya.

¹⁹ An lo inj wog lo dufulanig diaug kitekan asau mi, 5 kilomita ago dugo, Jesus you aten fufo na wog naon ipanig ipalu dugo dile ya. An niŋen o direr saian geig a.

²⁰ Ago dugo inj irupidai, “An arer amoi, ŋaiseg ŋupalu da.”

²¹ Agog sad rurek itout go ilod pasai ibol an lo inj wog lo isuda wo ilod uyan a. Agog milaen tiag wog an panu diau dan ate yaug isasau a.

²² Salso idug tamolpein you awan aen ate dumado yan ilod igireg igo ilod isou: Nor na man wog taida man tia ya. Wog kisaek an lo Jesus ta isuda na ya, tia, injsan megeloum mi dusudag diau a.

²³ Inj ilod ago isou dugo, wog aenta taun yaŋan Taiberias dubol dan ateg dupalu dugo dil a. Wog an aben a ate Tubun ak bret inj iy da Anut ilo uyan ru ipanig diani an, siŋiren na disasau a.

²⁴ Tamolpein Jesus injanen megeloum dida aben ante abanad diabi se yak man, naod ta dile na ya. Saen ago dulon man, wog an lo dusudag Kaperniam na Jesus dile wo abanjan diabig diau a.

Jesus in anan kumaen san

²⁵ In diaug you awan aen ate Jesus dile gug dusumianig dubol, “Girek manau, on nal sanjepta ente palu yak i?”

²⁶ Jesus awad yabig irupudai, “Nai rumok nunon mi nurupaian da, an kulob girager ale yan ninen o nai ta abanag abig apalu na ya. Tia. An anan anig luam ipuk amaiak ninen o mi nai abanag abig apalu ya.

²⁷ An anan a saen katukan lo mi saian dan anane san urat an ta agane na wa. Tia. An anan a kumaen ipanan pe pempem yau san an mi anane wo urat wagai agane. Anan an Tamol Nanun ipanan a. Anut tamol emaiak ilon ipani dugo, kob igo tinin lo iganeg yen da.”

²⁸ Agog in dusumianig dubol, “Ak man en dugo miganep Anut san urat migane wak i?”

²⁹ Ago tag Jesus awad yabig ibol, “Anut san ilo sou lo urat agane man igo ya, tamol emaiak in iganeg ipalu yan mi an in o ilom lo rumok a.”

³⁰ Ago tag in dusumiani, “On enso kulob girager ta ganep, an lo man mile dop iloma lo rumok ak i? On dugo gane wak i?”

³¹ Wagam id tubud baged tan kawan ak ate anan mana diani na ya. An ninen o ru ta Anut san buk lo igo ibol, ‘In kumaen panu san anan ipidinaig diani a.’”

³² Jesus irupudaig ibol, “Nai rumok nunon mi nurupaian da. Anan a Moses ipanan an man kumaen panu san anan tia ya. Tia. Anan e gamu naineg Tamag an ipanan den, nek an kumaen panu san anan mok a.”

³³ Man dugo, Anut san anan mok man, nek anan a kumaen panu ibiseig idug, tan en san tamolpein kumaen mok ipidinaid dan nek ama ya.”

³⁴ Ago tag in Jesus durupeid, “Tubun ak, on gidad nal pempem anan an man panama dop mani wa.”

³⁵ Agog Jesus irupudaig ibol, “Naisag mi anan kumaen san. Ta in naisag na ipalu tap, in fon imatigen san tia ya. Ta in nai o ilon lo rumok tap, in you o ilon igos san tia ya.

³⁶ Ago yak man nai an jurupaian la ya, an nai aliag la yak gug, an nai o ilom lo ta rumok na ya.

³⁷ Tamolpein fidian ensauta a Bai ipanag dan, in naisag na dupalu wa. Ago dop ensauta a naisag na dupalup dida mumado wan, nai in nukudai diau san tia geig a.

³⁸ Man dugo, nai kumaen panu nubuseig ndadu yen seg ilog nam kulob ngane wo ta ndadu na ya. Tia. Bai a nai idinag go ndupalu yan mi, inanen ilobol nuri ndupani wo ndadu ya.

³⁹ Agod Bai a nai idinag go ndupalu yan in san ilon man, tamolpein e nai ipanag en lulunad lo talpein kisaek ideg yau o man imoi a. Tia, an fidian nal wadan lo dop, nufufunaip kumaen dumasa wak ilon ago yen da.

⁴⁰ Nai Tamag san ilon man igo ya. Ta Anut Nanun ilep, in o ilon lo rumok an, in kumaen pempem yen yau san an inane wa. Agod nai nal wadan lo nuburousap, fon kumaedi dumado wa.”

⁴¹ Saen Jesus, in sen anan lak na yak ibiseig idu yen ago ibol dugo, Juda adi in tinjed saian go in ninen o dunurnur se ya.

⁴² Ago dugo in dubol, “En dugudo i? Tamol an man Jesus, Josef nanun, id insan tinan taman dam talon a. Ago gug en dugog in kumaen panu ibiseig tan na idu ibol di?”

⁴³ Ago tag Jesus ru naon irupudaig ibol, “An ansem nug ilon lo mi anurnur amoi.

⁴⁴ Talpein ta insen ilon nam naisag na ipalu san tia ya, tia, Bai sen nai idinag go nupalu yan mi talpein an iduduwi dop naisag na ipalu wa. Agop nal wadan idu dan lo dop, nai in nufufunip kumaen imasa da wa.

⁴⁵ Profet adi sad ru girek lo igo digire ya, ‘Anut sen tamolpein fidian manau ipitenanai a.’ Tamol a Bai san ru dulong go in awan lo manau dinane dan fidian, naisag na dupalu wa.

⁴⁶ Talpein ta Bai ile man tia ya. Tia, enti in Anut san nag ipalu yan mi malan nam Bai ile ya.

⁴⁷ Rumok nunon mi nai nurupaian da, talpein in nai o ilon lo rumok an, in kumaen pempem san inane la ya.

⁴⁸ Nai mi anan kumaen pempem san.

⁴⁹ Wagam mok an tubum bagem tan kawan ak ate dutor dugo, anan mana diani na ya, ago bo man in fidian mater dile ya.

⁵⁰ Gug ente anan a kumaen panu ibiseig idu yan yen da, ago dugo talpein enti a anan an yani dan mater ta ile na wa.

⁵¹ Naisag mi, nai anan kumaen anda yak a kumaen panu ibiseig tan na idu ya. Talpein ta anan emaiak yani dop man, in mater ta ile na wa, tia, in pempem mi kumaen imado wa. Anan en naisag tinig, tan en san tamolpein kumaen pempem san dinane wo nipidinai a.”

⁵² Ago tag Juda adi inşed nug dupei dugo dubol, “En dugo woŋ pe tamol en inşen tinin ipanad pe tani wak i?”

⁵³ Ago dugo Jesus irupudaig ibol, “Rumok nuŋon mi ŋai ŋurupaian da. Anj Tamol Nanun san tinin, inşanen dar ani aluk a. Tia tap, Anut san kumaen anj lo ta yen na wa.

⁵⁴ Talpein inj ŋaisag tinig yani dugo, dar ag iluk dan, inj kumaen pempem san inşane la ya, ago dop nal wadan lo dop, ŋai inj ŋufufunip ŋabisa wa.

⁵⁵ Man dugo, ŋaisag tinig man ananj mok, agod ŋaisag dar man you mok a.

⁵⁶ Talpein inj ŋai tinig yani dugo, dar ag dam iluk dan, inj ŋai lo imado dugo, ŋai inj lo ŋumado da.

⁵⁷ Bai kumaen imado dan inj ŋai idinag go ŋupalu ya, agod ŋai Bai san wagen lo kumaen ŋumado da. Nek ago mi, talpein inj ŋai iniag dan, ŋaisag wageg lo kumaen inşane wa.

⁵⁸ Ananj a kumaen panu log idu yan nek ama ya. Anj tubum bagem mana diani nag murna inj dumat a. Ak gug talpein enti a, ananj e niŋen o ŋabol den yani dan man, inj kumaen pempem imado wa.”

⁵⁹ Ru an, saen Jesus Kaperniam na ubou ab ilon lo imado dugo, ipitenjanai a.

Kumaen san ru

⁶⁰ Ganurek tamol adi wei mi ru an dulonj go igo dubol, “Ru en muruan kasik a, enti ru an ka inşane wak i?”

⁶¹ Gug Jesus inj ilonj ak, inşan ganurek tamol adi ru an niŋen o duŋurŋur se ya. Ago tag irupudaig ibol, “Ru an ilom muruan ipani ak i?”

⁶² Ak dugo, mitep an Tamol Nanun ale dop, lak na aben gubak mi imado ante isuda yau dop, an ninen o dugo abol ak i?

⁶³ Urgan mi in tamol kumaen ipani da, tinid man in kitek ibinawad san tia ya. Ru e nai nurupaian den, in ur agod in kumaen a.

⁶⁴ Ago gug an lulanam lo tamolpein aenta in ilod lo ta rumok na ya." Ago ibol san fun man, in imug mi talpein dugon ilod lo ta rumok na dop, tamol enti in ager banid lo igane man, in ilon uyanan a.

⁶⁵ In ru ibateg ibol, "Nek fun amaiak ninen o, nai imug mi an igo nurupaian; Talpein sen ilon nam naisag na ipalu san tia ya, tia, naineg Bai tamol an idaisuda mi igane ilasa gup ka ipalu wa."

⁶⁶ Jesus ru en ifulale itout go, in san ganurek tamol adi wei mi in dibiseig dumul diaug, in afon njen aban ta diri na ya.

⁶⁷ Ago tag Jesus in anen megeloum 12 an isumi-anai, "Tag an dam nai abisawag pe au wo ilom yen di?"

⁶⁸ Saimon Pita awan yabig ibol, "O Tubun ak, man enti san na mau wo ubol di? Onane ru mi in kumaen pempem san aman da ya.

⁶⁹ Man malon uyan go iloma lo rumok ak, on mi Anut anen Tamol Gun a."

⁷⁰ Jesus ru naon irupidaig ibol, "Nai an 12 nitarpasan a, ago gug an lulanam lo ta kisaek man in Satan san."

⁷¹ In san ru lo, Judas, Saimon Iskeriot nanun an isue ya. Tamol an Jesus san megeloum 12 an lulanad lo yak gug, mitep in Jesus ager banid lo igane wa.

7

Jesus tein muroun in ninjen o ilod ta rumok na ya

¹ Murnag Jesus inſen ilon dugo yen dak irig, Galili distrik lo mi itor se ya. Man dugo, Juda adi in dufuni imat o digane se ya, an lo in Judea distrik lo yau man imoi a.

² Agog Juda sad Lalai san tumanek tubun ak san nal ilasa san saen sumeik a. (Soubul saen an ubou kisaek yen a.)

³ Ago tag Jesus tein muroun bube suek ru durupeig dubol, “On gidad e utor den umoip, masap distrik Judea na wau. Ago tap man onsa megeloum aenta onsa urat dabai tutubun gane dan dile wa.

⁴ Talpein ta in malak malak yanak tubun ak inane wo tap, in mianuk lo urat dabai tutubun ak igane san tia ya. On kulob igo yak gane wo tap, waup, tamolpein fidian malad lo gane wa.”

⁵ Inanen tein muroun mok dam in o ilod ta rumok na ya, fun an lo ago dubol a.

⁶ An ninjen o Jesus irupudaig ibol, “Naisag nal gamugo da, gug saen fidian an ilom ibol ago mi agane wa.

⁷ Man dugo, tan en san tamolpein fidian man anſam ager tia ya, tia, in naisag ager mi a. Man ata wo? Nai inaned saian kuai tem nabol ilasad amaiak naon nisini da.

⁸ An tumanek nal tubun an lo aladu au, gug nai man tia wa. Man dugo, naisag nal mok gamugo ilasa da.”

⁹ In ago ibol irupudaig Galili na mi imado se ya.

Jesus yaug, lalai san nal tubun ak ile ya

¹⁰ Aria, Jesus tein muroun imug dusuda diau dugug, inſen murna imianuk oŋ yaug aban̄ ile dugo itor se ya.

¹¹ Aria, tumanek tubun an ilon lo, Juda gurman adi Jesus aban̄an diabi dugo, niſen o dusumiaig dubol, “Tamol an dugon te imado dak i?”

¹² Tamolpein an luluŋad lo Jesus niſen o gidigidad diſiſen̄ ila iso se ya. Aenta dubol, “In̄ tamol uyan a.” Gug aenta dubol, “Tia, in̄ tamolpein fidian irawai da.”

¹³ Ak man talpein ta in̄ niſen o ru kuai tem ibol ilasa man tia ya. Man dugo, in̄ Juda gurman adi niſedi wo direr a.

¹⁴ Aria, dumado yaug tumanek san saen titiſae gug, Jesus in̄ tempel ilon lo iladug tamolpein maſau ipiteſanai a.

¹⁵ An niſen o Juda adi durut saian go dubol, “Tamol en maſau ta dipiteſani na ya. Ago gug en dugon te maſau igo yan in̄ane yak i?”

¹⁶ Ago tag Jesus in̄ ru naon igo ibol irupudai, “Ŧai ru e űabol űurupaian̄ den man űaisag ru tia ya. Tia, en Anut űai idinag go űupalu yen in̄san ru űabol alon da.

¹⁷ Ak talpein ta in̄ Anut ilon yen dan ago iganuri wo imat tap, űaisag piteſanek en Bai san ilon boi, tia, űaisag ilog boi, an ka walal te ile ilon̄ a.

¹⁸ Talpein in̄sinanen ilo sou lo in̄iſen̄ dan man, in̄sen yaſan mi yabisa wo urat igane da. Gug talpein in̄ tamol sen ak idinig ipalu yan mi yaſan yabisa wo urat igane tap, talpein an san ru an rumok mi a. Ru sewak ta in̄ lo yen man tia ya.

¹⁹ Wagam mi Moses an̄ kubiaen̄ ipanaſan a. Ago gug an̄ luluſam lo talpein ta kubiaen̄ en iri ipani

man tia ya. Ak en ata wo ŋai afunag ŋamat o agane di?”

²⁰ An niŋen o tumanek san doup adi ru naon igo dubol, “Oŋse ur saiak ama da ya. Enti oŋ ifuno umat o igane dak i?”

²¹ Jesus awad yabig ibol, “Ŋai gubak mi kulob girager kisaek ŋigane yak gug, aŋ an niŋen o ilom weiwei da.

²² Aria, ilom isou o uyanan. Moses san kubiaen lo ru en yen da, (gug Moses aŋ kulob en ta ipanaŋ na ya, tia, aŋ tubum bagem dupanaŋ a.) Ru an igo ya, saen pein ta nanuk igansip nal 8 yau gup, nanuk an tinin suŋulon atute wa. Aŋ kubiaen an ari wo nanuk suŋulon atute san nal an sabat nal dop man, kubiaen an apilali san tia ya. Ak man, nal an lo dam tini suŋulon tutek san urat agane da.

²³ Aria, aŋ sabat nal lo tini suŋulon tutek san urat agane tap, en ata wo ŋai tamol tinin fidian mi sabat nal lo ŋukubune yan niŋen o ilom ŋai o saian dak i?

²⁴ Aŋ kankan tia yak lo bitinaek ta agane na wa, tia, aŋ ilom igire na gup, kankan itaot an lo bitinaek agane.”

Jesus in Kristus i?

²⁵ Jerusalem tamolpein aenkadi in ago igane dugo dile yan niŋen o sed nug dusumianig dubol, “Ak dugo, tamol a idsad gurman adi dufuni imat o digane dan nek on i?”

²⁶ Ak ale, in malak malak ru kuai tem ibol ilasa da. Gug gurman ta awan ipuk go ru ta ipani na da. Dag in ilod lo dulon uyan ak inŋsen Kristus i?

²⁷ Ak man id tamol en san fun panu talon a, gug saen Kristus ipalu man, in dugon te ipalu yan id talon san tia ya.”

²⁸ Agog Jesus nek ate tempel ilon lo mi imado se man, tamolpein manau ipitenanai dugo, iwagin go ibol, “Awo, an nai alon a, agod nai dugon teg nupalu yan dam alon abol da. Ago gug an nai anan geig a. Naiseg ilog nam ente ta nupalu na ya. Tia, Enti a nai idinag go nupalu yan mi naisag fug mok a, ak man an in ta alon na ya.

²⁹ Gug nai mi in nalon a, man dugo, nai in san na nilasa ya, agod in nai idinag go nupalu ya.”

³⁰ Ru an dulon tag in Jesus dusubani wo dal aban dile se ya. Gug tamol ta in tinin ta diabi na ya, man dugo, in san saen gamugo da.

³¹ Tamolpein wei mi in ninen o ilod lo rumok go ago dubol, “Tamol en tag Kristus e. Ata wo? Tamol sen ak san kulob dabai tutubun igane dan tamol en san urat irinani wak i? Tia geig a.”

³² Tamolpein kisik kisik nam Jesus ninen o dininon dugo, Farisi adi ago dulon tag, pris gurman adi in Farisi an dida tempel san titianek adi didinaig, Jesus dusubani wo diau.

³³ Ago dugo Jesus ibol, “Nai saen katukan mi an da tumado wa, ago gup Enti a idinag go nupalu yan san na nau a.

³⁴ An nai abanag abi wa, ak man ta aliag na wa. Agod aben a nai ate nau dan an ate au san tia ya.”

³⁵ Ago tag Juda adi in sed mi dininon go dubol, “Tamol en dugon te yau dop, id abanan tile tia wak ninen o ibol di? Dugo, in dap idsad sawar aenta Grik lulonad lo dumadod, amaiak sad na yau ipitenanai dop, abanan tile tia wak ninen o ibol di?

³⁶ Ago dugo inſan awan aban igo ya, ‘anſ ſai abanſ abi wa, ak man ta aliag na wa, agod aben ſai ate ſau dan anſ ate au san tia ya.’ Ru en fun dugo yak i?”

³⁷ Tumanek digane yan san wadan futanek nal tubun ak lo, Jesus imasa itur go awan tubun mi iwagin go ibol, “Talpein ta inſ you wo imat tap, inſ ſaisag na ipalup you ka iluk a.

³⁸ Anut san ru girek lo igo ibol, talpein ſai o ilon rumok tap, ‘you kumaen san amaiak talpein an buben ilon lo ibanai ilasa yau dop yen a.’ ”

³⁹ Jesus Awan Urgun niſen o tou an yabig ru ibol a. Talpein ensauta a Jesus o ilod lo rumok an murnap Awan Urgun diſane wa. Nal an lo man Jesus lak na yanſak tubun ak inſane wo gamugo isuda yau da, ago yan lo Awan Urgun dam gamugo idu da.

⁴⁰ Tamolpein aenta ru an dulonſ go igo dubol, “Rumok, tamol nek en profet tubun a Anut igane ipalu wo ibol ama ya.”

⁴¹ Ago dugo aenta igo dubol, “En mi Kristus.”

Gug aenta dubol, “En dugo wonſ pe Kristus inſ Galili na ilasa wak i? Tia geig a!

⁴² Man dugo, ru ta Anut san buk lo igo ibol, Kristus inſ Kinſ Dawid malan kubulan. Agod inſ panu Betlehem na, Dawid san fun panu lo ilasa wa.”

⁴³ Jesus niſen o tamolpein sed itarpaleg malan wei mi dilasa ya.

⁴⁴ Aenta Jesus duſubani wo digane, ago gug tinin ta kitek diabi man tia ya.

Juda sad gurman adi Jesus niſen o ilod ta rumok na ya.

⁴⁵ Agog tempel titianek adi dumul pris gurman in Farisi adi dida sad na diau, agog gurman in dusumianaig dubol. “An dugog tamol an abig, ananeg ta apalu na yak i?”

⁴⁶ Gug tempel titianek igo dubol, “Gubak mi tamol ta ru ago ibol ilasa dop talon man tia geig a.”

⁴⁷ Ago tag Farisi adi igo dupidai, “Dugudo? An dam irawan go in ninen o ilom rumok di?”

⁴⁸ Dugo, man gurman lulunama lo, tia, Farisi adi lulunad lo ta kisaek tamol en ninen o ilon rumok ak ale i? Man tia geig a.

⁴⁹ Tamolpein kawan kawan, idsad kubiaen ta dulon uyan na den mi, tamol an ninen o ilod rumok da. Fun amaiak ninen o in fidian Anut san misilane paen na dumado da.”

⁵⁰ Ago dugo Farisi sad gurman ta yanjan Nikodemus, in gubak mi Jesus san na yau amaiak imasag igo ibol,

⁵¹ “Idsad kubiaen, dugo ibol i? Id sen kawan tamol ta ru lo ka tigane wak i? Id in awan talon dop, dugo dugo igane yan kuai tupani gup, tibitinae a.”

⁵² In awan diabig igo dubol dupei, “Nag on dam Galili tamol i? On ru Anut san buk lo yan sutip ule gup ulon a, profet ta Galili na ilasa san man tia geig a.”

⁵³ Ago gug in dufurak go ab anen anen ate diau a.

8

Pein ta jeit kagin igane ya

¹ Agog Jesus imasag, Did Oliv fo isida yau a.

² Tidom lom mok in imul fon tempel lo yau dugo, doup tubun ante dumado yan dupalug dulubani a. Ago tag in imasig Anut san ru ipitejanai a.

³ Ago dugo kubiaen tamol in Farisi adi dida, pein ta jeit kagin igane dugo dile tag diabig, dijanedupalu ya. Agog malak malak titinaem dugunig ago itur dugo, Jesus dusumianig dubol,

⁴ “Girek manau, pein en iwon anda ak gug, tamol sen ak da jeit diabi dugo meil a.

⁵ Aria ulon, Moses san kubiaen lo, ru kagin dabai ak igo irupaiad a, pein ta kagin ago igane tap pat nam afuni imat a. On an ninen o dugo ubol ak i?”

⁶ Gug an man sen kawan in dukubianip, ru sukurun ta ibol saian dop, ate dusubani wo ago digane ya.

Gug Jesus itakoksig, banin kikoun nam tan aten fufo igire ya.

⁷ In afon mi dusumiani on tag, ifotsag igo ibol irupudai, “An lulunam lo enti aupasek aman tia yan, in malan imug pe pat injanep, pein en tinin fufo ibal a.”

⁸ Ago ibol itout an fon itakoksig, tan aten fufo igire se ya.

⁹ Aria, talpein ru an dulon man kankan dijaneg kisaek kisaek mi ditapas diau se ya. Busumadi ak imug gug, aenta dam ago mi digane yau nad, Jesus mi in pein an da nunod uraru mi dumado ya.

¹⁰ Agog Jesus ifotsag imasa itur gug pein an isumiani, “O pein, en dugon te diau ak i? Dugo, tamol ta kisaek ru lo ta ibio udu na yak i?”

¹¹ Ago dugo pein an ibol, “O Tubun ak, tamol ta ru lo ibiag njadu man tia ya.”

Ago tag Jesus irupeï, “Ñai dam ñibio udu san tia ya. Waup, afon aupasek ta gane na wa.”

Jesus in tan en san lilaman

¹² Tamolpein fon Jesus san na dupalu tag, in irupidaig ibol, “Ñai tan en san lilaman. Tamol enti a ñai ñieg aban iri dan, in tidom tubun lo ta itor na wa. Tia, in kumaen san lilaman anda itor a.”

¹³ Ago tag Farisi adi in Jesus durupeï, “On onse niñe wo mi ru ubol da, fun an niñen o idsad kubiaen ibol man onane ru an dabai an tia ya. On ru kawan ubol da.”

¹⁴ Jesus awad yabig igo ibol, “Rumok, gidad ñaiseg niñeg o mi ñabol ak gug, ñaisag ru en ru rumok. Man dugo, ñai dugot nag ñupalu yan ñalon a, agod fon dugon te ñau an dam ñalon a. Gug an man ñai dugot nag ñupalu yan ta alon na ya, ago dugo ñai dugon te ñau o dan, an dam an ta alon na ya.

¹⁵ An tan en san kagin lo mi tamolpein kubianek lo adirai da, gug ñai talpein kisaek kubianek lo ta ñigane na da.

¹⁶ Ak gug, ñai bitinaek ñigane tap, man ñaisag bitinaek itaot mok a. Man dugo, ñai seg kisaek bitinaek ta ñigane na da, tia, Bai in ñai idinag go ñupalu yan, in ilon ñiganurig in ñai da sisem iloma kisaek gup, bitinaek ñigane da.

¹⁷ Ansam kubiaen lo igo digire ya, tamol uraru ru kisaek mi dubol tap, in sad ru an rumok di dabai geig a.

¹⁸ Ñai ñaiseg niñeg o ñabol da, agod Bai dam ñai idinag go ñupalu yan, in ñaisag ru dabai ipani da.”

19 Ago tag in̄ dusumiani, “On̄ane tama dugon te imado di?”

Agog Jesus awad yabig ibol, “An̄ n̄ai ta alon̄ na ya, n̄aineg Tamag dam ta alon̄ na ya. An̄ n̄ai alon̄ ak man, n̄aineg Tamag dam alon̄ a.”

20 Saen a ru ibol an man, tempel ilon lo moni san kunup yen dak giran̄en na imado dugo, tamolpein man̄au ipiten̄anai se ya. Gug talpein ta yabip isubani wo igane man tia ya. Man dugo, in̄san imat san nal gamugo da.

Jesus yau dan ate in̄ dupalu san tia ya

21 Jesus fon irupidai, “N̄ai n̄ubisawan̄ pe n̄au dop an̄ aban̄ag abi wa, ago gup ta aliag na wa. An̄ an̄anem aupasek Anut ta isuas na dop, an̄sam aupasek ilom lo yen dan ida amat a. Aben ate n̄ai n̄au dan an̄ ate au san tia ya.”

22 Ago dugo Juda adi igo dubol, “In̄ ibol ak, in̄ ate yau dan id ate tau san tia ya. Dugo, dag in̄sen ifuni imat o ago ibol di?”

23 Gug Jesus ru awan ibateg igo irupudai, “An̄ man aben a paen na amaiak san apalu ya, gug n̄ai man lak na amaiak san n̄upalu ya. An̄ tan en san, gug n̄ai tan en san tia ya.

24 An n̄in̄en o n̄ai n̄urupaian̄ la ya, an̄sam aupasek ilom lo yen dan ida amat a. Man dugo, rumok nuñon, ‘N̄aiseg N̄ai N̄umado Dan’* an gidad ilom lo rumok a. Tia dop, an̄sam aupasek ilom lo yen dan ida amat pe an lo adeg au a.”

25 In̄ dusumianig dubol, “On̄ enti mok i?”

* **8:24:** Yan̄ak an Anut in̄sen n̄in̄en o Moses naon na ibol ilasa ya.

Ago tag Jesus awad yabig ibol, “Njai nek en, seg ninjeg o gubak mi njurupaian go alon la ya.

²⁶ Saen naj an kot lo nidiran dop, ru wei mi nupanan a. Ak man naj seg ilog nam ago njigane san tia ya. Tia, Enti a naj idinag go npalu yan, in san kagin rumok geig a, in naisag ru dabai ipani wa. Naj tan en lo numado dugo, ru a in ibol dugo nalon ak ago mi tan en san tamolpein njurupidaip dulon a.”

²⁷ In Taman ninjen o irupudai dan ta dulon uyan na ya.

²⁸ Ago tag Jesus ibol, “Murnap an Tamol Nanun abisa dop, an lo gup an ilom isafulale wak, ‘Naisag, Naj Numado Dan’ nek ema ya. Naj mel ta seg ilog nam njigane san tia ya, tia, naj ru nabol den man Bai mi naj ikubiai panag a, ru nek an mi njurupaian go alon da.

²⁹ Enti a naj idinag go npalu yan in sen mi naj ida mumado da, agod in naj ibisawag go seg ta numado na da. Man dugo, in ilon yen dan ago mi nuri nupani da.”

³⁰ In ago ibol dugo, tamolpein wei mi in aned ilo rumok in lo digane ya.

Abraham malan kubulan

³¹ Aria, Jesus Juda tamolpein a in o ilod lo rumok an irupudaig ibol, “An najneg ru abi sakar tap, an najneg megeloum mok a.

³² Agop an ru rumok an alon a. An lo ru rumok san dabai lo an urat bigabeg igo won amado san tia ya.”

³³ Ago tag in ru naon igo durupe, “Man Abraham malan kubulan mok a, man urat bigabeg adi igo won talpein ta paen na ta mumado na ya. Man

ata wo man talpein an paen na ta mumado na wak, ago ubol di?”

³⁴ Jesus awad yabig igo ibol, “Rumok nunjon mi nrupaian da. Tamolpein a aupasek digane dan in aupasek san urat bigabeg dumado da.

³⁵ Urat bigabeg adi man in tamad san warou lo aben amad tia ya. Gug nanuk man in taman da pempeim dumado da, man dugo, taman san dar lo ilasa ya.

³⁶ Ago yak ninen o Nanuk in aupasek san dabai an ibian adu dan tuon lo ipasan tap, an bigabeg adi igo won ta amado na wa, tia, nanuk mok igo won ator a.

³⁷ Nai nalon ak, an Abraham malan kubulan. Ago bo man an nai afunag namat san dal ale wo malam agane da. Man dugo, an ilom lo naisag ru en aben ta ate ka yen san tia ya.

³⁸ Nai mel a fidian Bai naon na numado dugo nile yan mi nrupidai alon da. Gug an ru dugo anjanem tamam irupaian go alon ak, nek an mi ari da.”

Satan malan kubulan

³⁹ In Jesus awan diabig dubol, “Abraham mi mansama tamama.”

Gug Jesus igo ibol, “An Abraham nanun muroun mok ak man, kagin naok a Abraham igane na yan an atutanani wa.

⁴⁰ Nai ru rumok Anut san na ninane an mi nrupaian alon da. Ago bo man an nai afunag namat o agane da. Abraham kagin naok ago yan ta igane na ya.

⁴¹ Tia, an kagin a gamu agane dan man, anjanem taman mok san kagin mi atutanani da.”

Agog inj dumasa saian geig go durupei, “Manj jeit kagin lo ta milasa na ya. Tia, manj tamama man Anut mi sen kisaek a.”

⁴² Jesus awad yabig ibol, “Isop Anut inj anjanem Tamami an rumok tap, anj naj ninjeg o amat a. Man ata wo? Naj Anut san nag npalu ya. Naj naisag ilo sou lo mi ta npalu na ya. Tia, Bai naj idinag go npalu ya.

⁴³ Ata wo anj ru e nabol den ninjen o ilom itarpasi san ta idaisuda na yak i? Fun igo ya, anj naisag ru nabol den alonj san kududom itau aman a.

⁴⁴ Anjanem tamam Satan, anj injanen nanun muroun mok a. An lo anj ilom man, injanen ilobol mi aganuri wa. Fun mok lo ipalug gamu en, injanen kulob mok man, inj tamol ifu dumat na ya. Inj tinin lo ru rumok ta yen na ya, ago tag ru rumok ak ta yabig iri na da. Saen inj ru sewak ibol dan, injanen muroun ru ibol da. Man dugo, inj sewak tinan, agod inj sewak fidian an sad tamad mok imado da.

⁴⁵ Gug naj ru rumok ak mi nrupaianj da, fun an ninjen o anj naj ninjeg o ilom ta rumok na ya!

⁴⁶ Anj lulunjam lo tamol ta kisaek, naj aupasek njigane yak ninjen o ilog issue san idaisuda yak i? Man tia geig a. Ago tag, naj ru rumok nrupaianj alonj da. Ak dugo, en ata wo ru e nabol den ilom lo ta rumok na dak i?

⁴⁷ Ta inj Anut san tap, Anut awan ilonj dop iri wa. Anj Anut awan ta alonj na dan fun man, anj Anut san tia ya.”

Abraham ta ilasa na dugo Jesus imado ya

⁴⁸ Juda adi tiŋaed saian dugo awan diabig igo dubol, “On Sameria tamol, agod on ur saiak ama da ya! Ago mabol an ta rumok na yak i?”

⁴⁹ Jesus ibol, “Nai ur saian amag tia ya. Nai naineŋ Tamag yaŋan mi nabisida, ago dugo an nai yaŋag abi idu da.

⁵⁰ Nai seg yaŋag nabisida wo urat ta niganena da. Tia, Tamol sen ak nai yaŋag yabisida wo urat igane da, agod inŋsen mi in Bitinaek Tamol a.

⁵¹ Nai ru rumok nŋrupaiaŋ da, talpein enti a nai awag iri ipani dan, in maten ta ile na wa.”

⁵² Juda adi ago dulon go awad ipuk go dubol, “Maŋ gamu malon uyan ak, on ur saian ama da ya. Abraham imat la yak, profet adi dam wagam mi dumat la ya. Ago bo man on talpein onane awa iri ipani dan maten ile san tia ubol da.

⁵³ Dag on idsad tubud baged Abraham riŋani ak ubol di? In maten ile ya. Agod profet adi dam maten dile ya. Ak dugo, onane ilo sou lo, on enso tamol i?”

⁵⁴ Jesus ru naon igo ibol, “Naiseŋ yaŋag nabisida dop man, nai yaŋag an kawan a. Gug naiseŋ Bai, in ananem Anut abol dan, in nai yaŋag yabisida da.

⁵⁵ An in ta alon na yak bo man nai in nalon a. Ak nai in ta nalon na yak nabol ak man, nai sewak tamol, nek an igo mi a. Gug rumok, nai in nalon a, ago dugo in awan kagin nupani da.

⁵⁶ Ananem tubum bagem Abraham naiseŋ dal ile wo ilo sou igane dugo youn isusa ya. Aria, in naiseŋ nal ile man ilon uyanan a.”

⁵⁷ Ago tag Juda adi durupeig dubol, “Ak dugo, onsa ananar gamugo 50 yabi bo man on Abraham ule ubol di?”

⁵⁸ Jesus ru naon irupidaig ibol, “Nai rumok nunjon mi njurupaianj da. Saen Abraham gamugo ilasa dugo Naiseg, Nai Numado Ya.”

⁵⁹ Inj ago ibol an pat duburoug sen nam dufuni wo digane ya, ak man Jesus mianuk lo luluñad lo itapas go sen tinin imianig tempel patun fo yau a.

9

Jesus tamol malan itau ak ikubune ya

¹ Jesus turenj yabig yau dugo, tamol ta malan itau ak ile ya. Inj tinan tinjaen lo mi mala tia igansi a.

² Jesus sinanen megeloum dusumianig dubol, “Girek mañau, enti san ai wadan ninen o nanuk an malan itau aman tinan igansi ak i? Injsinanen ai wadan i? Tia, tinan taman sadi ak i?”

³ Ago gug Jesus awad yabig ibol, “Tamol en san ai wadan tia ya, tinan taman dam sad ai wadan tia ya. Kulob en igo ilasa yan, ate murnap Anut injanen urat san dabai tamol en tinin lo tamolpein ikubiaip dile wa.

⁴ Gamu ad aman tumado den lo, id Enti a naj idinag go nupalu yan injsan urat tigane wa. Mitep tidom idu dop man, talpein ta urat igane san tia ya.

⁵ An ninen o saen naj tan ente numado den lo, naj tan en san tamolpein lilaman nupidinai da.”

⁶ Inj ago ibol go, ilusu tan fo idug, tan da ikubulig injaneg, tamol malan ate ibubuni a.

⁷ Agog irupei, “Onj waup, you saltek Siloam lo mala fulani wa.” (Siloam yanjan fun man: inj idinig yau a.) Ago tag yang malan ifulanig, malan uyan go abanj ile gug sinan ab lo yau a.

⁸ Aria, muroun susumeik an, agod tamolpein a in wagam mi dile dulon na yan durut saian go nug dusumianig igo dubol, “Dugo, tamol en wagam mi malan itau imado dugo moni o igod se ama i?”

⁹ Ago dugo aenta igo dubol, “Nek tamol ama ya.” Ak man aenkadi dubol, “Man tia ya, tamol en naon nek ago mi a, gug en man tamol sen ta ya.”

Ago dugo tamol an igo ibol, “Tia, en naiseg.”

¹⁰ Ago tag dusumiani, “On dugo ganeg mala uyan ak i?”

¹¹ In awad yabig ibol, “Tamol a Jesus dubol damaiak gigeo inaneg malag ibubunig ago ibol irupaiag, ‘On waup, you saltek Siloam lo mala fulani.’ Ago tag nai naug malag nfulani man, nai aban nile ya.”

¹² Agog in dusumiani, “Tamol an dugo mi ak i?”

Ago dugo in ibol, “Nai ta nalon na ya.”

¹³ Agog tamol a wagam malan itau an dinaneg, dida Farisi adi sad na diau a.

¹⁴ Gug nal a lo Jesus tamol malan iganeg uyan an man Sabat nal lo ya.

¹⁵ An ninen o Farisi adi in dugo iganeg lo aban iled amaiak ninen o dusumiani a. Ago tag in ibol, “Tamol an gigeo inaneg malag ate ibubuni a, ago gug idinag go naug you malag nfulani an lo nai malag ipuk go aban nile da.”

¹⁶ Ago tag Farisi aenta igo dubol, “Tamol an in Anut san nag ta ipalu na ya, man dugo, in Sabat nal san kubiaen ta iri na da.” Gug aenta dubol, “En dugo won pe tamol aupasek anda yak kulob girager igo yak ka igane wak i?” Nek an log nug ditarpaleg malan uraru dilasa ya.

17 Agog fon tamol an dusumiani dag dubol, “Tamol a onj mala ikubuneg uyan an niñen o dugo ilo isou di?”

Agog tamol an awad yabig ibol, “Inj profet a.”

18 Juda adi tamol a imug malan itau an niñen o nen ilod ta rumok geig na ya. Ago tag injsan tinan taman digiaig dupalug dusumianai,

19 “Dugo, en aņanem nanum mi ak i? Dugo, in malan itau man tinan igansi ak i? Agog gamu en dugo iganeg aban ka ile di?”

20 Agog tinan taman ru naon durupidaig dubol, “Maņ malon ak en maņanema nanuk a. Saen tinan igansi man malan tia imado ya, an dam malon a.”

21 Ak gug in dugo iganeg lo aban ka ile yan man maņ ta malon na ya. Inj tamol igane la ya, an niñen o injsen asumiani dop, sen fun ibol alon a.”

22 Tinan taman in Juda adi niņedi wo direr, an niñen o in ru ago dubol a. Man ata wo? Juda gurman adi imug dutumanig ru igo dufuni a, talpein ta Jesus niñen o Kristus ibol dop man, in dukudip, midaen patun fo ilasa wa.

23 Kagin nek an niñen o tinan taman in ago dubol, “Inj tamol igane la ya, an niñen o injsen asumiani.”

24 Ago tag tamol imug malan itau an afon mi duwagig durupeı, “On Anut yaņan mi wabisa. Man dugo, maņ malon ak, Jesus man aupasek tamol a.”

25 Tamol imug malan tia an awad yabig ibol, “Inj aupasek tamol boi, tia, tamol uyan boi, an űai ta űalon na ya. Mel kisaek űai űalon ak man, wagam űai malag itau gug, gamu űai aban ka űile da!”

26 Agog in̄ dusumianig dubol, “In̄ on̄ lo dugo igane yak i? En dugo won̄ mala igane ipuk ak i?”

27 In̄ ibol, “N̄ai gubak mi n̄rupaian̄ la ya, gug an̄ alon̄ an̄ amoi. An̄ ata wo alon̄ da wo asumianag di? Dag an̄ dam in̄san megeloum alasa wo abol duboi i?”

28 Ago tag in̄ naon dufute dupeig dubol, “On̄se mi in̄san megeloum, man̄ man̄ Moses san megeloum a!

29 Man̄ malon̄ ak Anut sen in̄ Moses da din̄in̄en̄ a. Gug tamol a Jesus dubol dan in̄ dugon teg ipalu yan fun ta malon̄ na ya.”

30 Tamol an̄ awad yabig ibol, “An̄ ru naon sen-amo geig an̄in̄en̄ da! En dugo won̄ go an̄ in̄ dugon teg ipalu yan fun ta alon̄ na yak i? Tamol an̄ n̄ai malag ikubuneg gamu aban̄ n̄ile da.

31 Id talon̄ ak, Anut tamol aupasek amad da yak awad ta ilon̄ na da. In̄ talpein̄ a in̄ awan̄ iri dugo, ubou an̄ ile dan mi awan̄ ilon̄ da.

32 Talpein̄ ta ago malan̄ itau man̄ tinan̄ igansip, tamol sen ak malan̄ ikubune yak, id kududod kulob naok ago yan imug ilasa dop talon̄ man̄ tia ya.

33 Tamol en̄ Anut san nag ta ipalu na yak man̄, in̄ urat naok igo yak igane san tia ya.”

34 Ru an̄ nin̄en̄ o Juda gurman̄ adi tin̄aed saian go dupei, “On̄ane tina iginiosi dugo, aupasek on̄ tini in̄anefute la ya! Ago tag, ata wo on̄ man̄ piten̄anama wo gane di?” Ago dubol go kuai te dubal ilasa yau a.

Nutudi malad itau a

³⁵ Jesus tamol an kuai te dubal ilasa yan san ru ilonj a. An lo abanj an yabi yaug ile tag irupei, “Onj Tamol Nanun en ilo lo rumok i?”

³⁶ Agog tamol an ibol, “O Tubun en, Tamol Nanun en enti i? Ubol njalonj pe, njai inj o ilog lo rumok a.”

³⁷ Jesus ibol, “Onj inj ule la ya. Nek gamu onj inj da anjinej da.”

³⁸ Ago dugo tamol an naon na turun isaluwig igo ibol, “O Tubun en, njai ilog lo rumok a.” Agog ubou an ile ya.

³⁹ Jesus ibol, “Njai tan ente tamolpein njitarpalaip malan uraru dilasa wo njupalu ya. An njinen o mala itau adi abanj dile wa, ago dop talpein abanj diled dubol dan man, malad itau dilasa wa.”

⁴⁰ Farisi adi aenta inj da dumado yan, ru an dulonj go igo dubol, “Manj dam malama itau ak ago ubol di?”

⁴¹ Jesus ibol, “Anj malam tia yak man, aupasek amam tia wa. Ak man an malam ipuk ak abol dan lo anjsam aupasek yen da.”

10

Sipsip sad ar san ru fanjan

¹ Jesus ago ibol, “Njai rumok nunjon mi njurupaianj da. Tamol enti inj sipsip sad ar san dalawan lo iladu an imoi, ago gug yaug ar awan sen ak fo isudag, ilon lo iladu dan man, inj gumagam tamol mala suek igane wo ipalu da.

² Gug tamol a inj dalawan lo mok iladu dan, inj sipsip sad titianek tamol mok.

³ Dalawan san titianek tamol inj tamol en dalawan ipasi pani da. Ago dugo sipsip dam

inaned tamad awan dulonj da. Agop saen inj yanjad atem ipatep, igiai tap, inj awan dulonj pe, njen aban fo kuai te dilasa wa.

⁴ Aria, saen inj kuai te dilasa itout dop, inj tamad imug yau dop, njen aban fo diau a, man dugo, inj tamad awan dulonj uyanan a.

⁵ Inj tamol sen ak ta diganurip diau san man tia geig a. Inj awan ta dulonj uyan na yak ninjen o direr pe dusol diau a.”

⁶ Jesus ru fañan an ago ibol irupudai a, ago gug inj san ru an fun ta dulonj na ya.

Jesus inj sen sipsip sad titianek tamol mok a

⁷ An ninjen o Jesus fon igo ibol, “Njai ru rumok nurupaianj da. Naiseg mi, najai sipsip sad ar san dalawan.

⁸ Tamol fidian a najai gamugo njupalu dugo, inj imug dupalu na yan, inj gumagam tamol. An ninjen o sipsip inj awad ta dulonj na ya.

⁹ Njai mi dalawan. Ta inj najai lo iladu dan, inj patu pasek inanep imado uyan a. Inj najai lo iladu ilasa dop, ananj yani uyan a.

¹⁰ Gumagam tamol man inj igam o, sipsip ifu dumat o, mala suek kagin mi igane wo ipalu da. Gug najai man njaineg sipsip kumaen njupidinaip, kumaen an ago inj lo awan isap, yen san ninjen o njupalu ya.”

Jesus inj sipsip sad titianek uyanan a

¹¹ “Njai sipsip sad titianek uyanan mok a. Titianek tamol uyanan mok man, inj sinan tinin injanen sipsip ninjedi wo igane idug imat a.

¹² Tamol inj urat naon injane wo mi, urat igane dan man, inj titianek tamol mok tia ya. Inj sipsip sad tamadi dam tia ya. Ago yak ninjen o goun kasik

ipalu dop, in irer pe sipsip ibisawai yau a. Ago dop goun kasik an sipsip ifu iratitalaip, dufurak diau a.

¹³ Fun dugo isol yau ak i? In nek tamol ta moni nam diabi dan mi a, tamol naok ago yak sipsip o ta ilon isou na da.

¹⁴ Nai sipsip sad titianek tamol uyan a. Naineg sipsip nalon do, in nai dulon a,

¹⁵ nek ibol Bai nai ilon dugo, nai in nalon ago mi a. Naiseg tinig en sipsip ninedi wo nubusei idu wa.

¹⁶ Nai sipsip malan taida mi sad tamad, in ar en san tia ya. Sipsip an dam njanal npupalup ar en lo diladu wa. In dam nai awag dulon a, ago dop man sipsip malan kisaek ak, agod inaned titianek tamol dam kisaek a.

¹⁷ Bai nai nineg o imat mok dan san fun man, naiseg tinig nibisei wak gup, fon njane da wa.

¹⁸ Tamol ta in nai iginiag nmat san man tia ya. Tia, naineg ilog ibol ak atem naiseg tinig nibisei pidinai a, ago gup fon njane da wan san dabal nai tuog lo yen da. Bai sen nai ago njane wo ibol a.”

¹⁹ Juda adi ru an dulon go fon ditarpaleg malan uraru dilasa ya.

²⁰ Tamolpein wei mi igo dubol, “Ur saiak in lo imado dugo, burau ifunig ru njneo ibol da. Ata wo in san ru talon dak i?”

²¹ Gug aenta igo dubol, “Ru naok ago yan, tamol enti in lo ur saiak yen dan awan lo ta ilasa na da. Ak dugo, ur saiak ta tamol malad itau ak ikubuniaip fon aban dile san idaisuda yak i?”

Juda adi Jesus ninen o ilodi ta rumok na ya

22 Tempel ab awan pasek san ilo isou nal tubun ak Jerusalem na ilasa ya. Nal an madid san saen lo ilasa ya.

23 Nal an lo Jesus tempel san tumanek aben lo, Solomon san Madok Aben dubol dan te itor a.

24 Ago dugo Juda adi dufutani dulubanig igo dubol, “Nal sanjeptap onj enti mok an kuai tem ubol dop malonj ak i? Onj Kristus dop man, kuai tem ubol dop malonj.”

25 Jesus awad yabig igo ibol, “Nai anj nurupaianj la ya, ago gug anj ilom lo ta rumok na ya. Nai urat girager a fidian Bai yanjan lo njigane se yan, amaiak naj fug mok kuai te igane ilasa dugo ale ya.

26 Gug anj anjanem ilo rumok naj lo ta agane na yan san fun man, anj naisag sipsip tia ya.

27 Naisag sipsip naj awag dulonj dak, naj inj njalonj a, agod inj naj njieg aban diri da.

28 Nai kumaen pempem san njupidinai a, an njinen o inj pempem ta dideg diau na wa. Tamol ta naisag sipsip naj banig lo ipasaip diau san tia geig a.

29 Nai Tamag enti a sipsip an ipanag dan injen mel aenta fidian irinjanai geig a. An lo tamol ta njaineg sipsip naj Tamag banin lo ipasaip diau san dam tia ya.

30 Nai Tamag da fuma kisaek a.”

31 Ago tag Juda adi fon pat duburoug, dufuni imat o da.

32 Ak man Jesus irupudaig ibol, “Nai Tamag wagen lo kulob girager tubun geig ak wei mi njukubiaig ale ya. Kulob girager an lulunjad lo kulob dugo yak njinen o amoi dop, an lo pat nam naj afunag o abol di?”

³³ Juda adi ru naon igo dubol durupe, “Maŋ oŋ kulob girager ak gane yan ta niŋen o mufuno wo iloma ago ta yen na da. Tia, fun man oŋ tamol kawan gug oŋ oŋse Anut ubol da! An niŋen oŋ Anut yaŋan wabi idu da.”

³⁴ Jesus ru naon irupudaig ibol, “Alon, aŋsam kubiaen yen dan lo Anut san ru ta igo ibol, ‘Ŋai igo ŋabol, aŋsem tubud a.’

³⁵ Alon, Anut iŋsan ru girek an lo, tamolpein a iŋsan kubiaen diŋane yan, irupudaig igo ibol, ‘aŋsem kisaek kisaek tubud a.’ Gug tamolpein an dam tamol kawan mi a. Aria, Anut san ru a ru girek lo yen dan nuŋon an tia kawan yen san tia ya.

³⁶ Ago yak niŋen o, ‘Ŋai Anut Nanun’ ago ŋabol tap, en ata wo ŋai Anut yaŋan ŋabi idu dak ago abol di? Aŋsam ilo saiak fun tia ya. Ata wo ŋai tamol kawan ak ago ilom isou di? Anut sen ŋai ipilianag go tan na iginiag ŋadu yan aŋ ta alon na yak i?

³⁷ Urat a ŋaineg Bai igane dan ŋai dam urat kisaek mi ŋigane da. Isop an rumok tia tap, aŋ ŋaisag ru an ilom lo ta rumok na wa.

³⁸ Ak man rumok, ŋai iŋanen urat ŋigane da. An niŋen o gidad, aŋ ŋaisag ru ilom lo ta rumok na yak abol bo man, kulob girager ŋigane dugo, ale yan fidian an niŋen o, aŋ ŋai o ilom rumok a. An lo dop aŋ ilo girek aganep, alon uyan ak igo, Bai ŋai lo imado dak, ŋai Bai lo ŋumado da.”

³⁹ In ago ibol tag Juda adi fon diabi wo digane, ak man in banid lo ikisaluk ilasag yau a.

⁴⁰ Jesus fon you Jordan lo yaug, ituteg, aen ate aben a wagam Jon tamolpein isuguai na yan ante ilasag imado se ya.

⁴¹ Ante tamolpein wei mi inſan na diaug igo dubol, “Rumok, Jon in kulob girager ta kisaek igane man tia ya. Ago gug Jon tamol en niſen ru fidian ibol na yan man ru rumok a.”

⁴² An niſen o saen Jesus aben ante imado yan, tamolpein wei mi in niſen o ilod lo rumok a.

11

Lasarus imat a

¹ Tamol ta yaſan Lasarus, in subam aman da ya. Inſan lun man Maria in Marta da, in man panu Betani san tamol.

² Maria nek amaiak murnap Jesus njen guren yamisip, gumuran roun sen nam isasi wa.

³ Man niſen o lun uraru an Jesus san na ru digane yau a. Agog ago dubol durupe, “Tubun en, tamol e on niſen o umat den in subam ifuni a.”

⁴ Jesus an ilon go ibol, “Subam an man tamol an igane imat mok san tia ya. Tia, an man Anut san girager tubun ak tamolpein ikubiai dilep ate yaſan diabisa san. Nek kulob an lo Anut Nanun dam yaſan tubun ak inane wa.”

⁵ Jesus man Marta, tein Maria, lud Lasarus da niſedi wo tubun mi imat da.

⁶ Aria, in Lasarus subam ifuni dak san ru an ilon ak man, panu ante nal uraru taida imado ya.

⁷ Murnag megeloum adi ago irupudai, “Id Judea distrik lo fon tamul tau a.”

⁸ Megeloum durupeig dubol, “Girek maſau, nor wari na geig Juda adi on lo pat dubal o digane ya. Gug on fon ante umul wau o ubol di?”

⁹ Jesus awad yabig, ru tuanek igo ibol irupidai, “Ilalan san saen an yaup gurai isi dop, an nal

kisaek igo ya. Tidom idu san gamugo da. Ta in ad lo itor dan, in tan en san ilalan an ile dop, in njen isuep, yau idu san tia ya.

¹⁰ Ago gug ta in tidom lo itor dan, in lo ilalan tia yak njen o njen isuep, yau idu wa.”

¹¹ Jesus fon mi igo ibol irupudai, “Idsad turad Lasarus yen padal a. Gug naj naup, nufufunip imasa wa.”

¹² Ru an dulon tag megeloum durupeig dubol, “Tubun en, in yen dan ubol man, fon ka imasa dap uyan a.”

¹³ Jesus Lasarus imat la yak njen o ibol da. Gug megeloum adi Lasarus yen padal dak njen o Jesus ibol ago dubol a.

¹⁴ Ago yak njen o Jesus kuai te ibol irupudai, “Lasarus imat la ya.

¹⁵ Gug naj ante ta numado na yan njen o ilog uyan. Man dugo, en an ibinawan dop naj nineg o ilom lo rumok a. An njen o insan na taup tile wa.”

¹⁶ Agog Tomas, in yan neinta Didimas dubol dan, in megeloum aenta irupudai, “Gidad taup, id Jesus da sisem tamat a.”

Jesus insen tamolpein a kumaen dumasa wak sad tamadi

¹⁷ Jesus yaug ilasa dugo, in Lasarus nal iwoiwo gib lo yen an san ru ilon a.

¹⁸ Panu Betani man kitek Jerusalem sumeikan a, kilomita utol igo won yen da.

¹⁹ Juda tamolpein wei mi Marta Maria da ludi imat ak njen o dawai dupidinai o dususa ya.

20 Saen Jesus ipalu dan Marta ago ilonj tag, imasag dal na ile wo yau dugo, Maria in ab lo imado se ya.

21 Marta Jesus irupei, “O Tubun ak, onj ente mado yak man, naineg lug en imat san tia ya.

22 Ago bo man naji nalonj ak, onj mel ta ninjen o Anut gudani dop man, en fidian ka ipano wa.”

23 Jesus Marta irupeig ibol, “Onjane lu fon kumaen imasa da wa.”

24 Marta awan yabig ibol, “Rumok, naji nalonj la ya, nal wadan lo gup Anut tamolpein fidian ifufunaip dumasa wa. An ninjen o nal an lo dop naji lug dam fon imasa da wa.”

25 Agog Jesus igo ibol irupei, “Nai mi, naji tamol fon imasa da wan san taman, naji mi kumaen san taman. Gidad talpein enti a naji o ilon lo rumok dan imat bo man, in kumaen imasap imado wa.

26 Agod dam, talpein enti a gamugo imat dugo naji o ilon lo rumok dan, in pempem matej ta ile na wa. Onj an o ilo rumok ak i?”

27 Marta irupei, “Awo, Tubun en. Naisag ilo rumok nek igo, onj Kristus, onj Anut Nanun. Onj tamol nek emaiak tan ente palu wo Anut ibol a.”

28 Marta ago ibol go yaug, tein Maria yabig irae ipalug, kisik kisik nam kududon lo ininjen go ibol, “Girek manau ipalug, imado da. In onj ilio wo ibol a.”

29 Maria ru an ilonj tag, ririan imasag, Jesus san na yau a.

30 Jesus panu ante gamugo ilasa ya, tia, aben a imug mi Marta da dutumani ante mi imado ya.

31 Tamolpein a Maria da ab lo ditatad dumado se yan, Maria imasa kisaek onj go kuai te ilasa dugo

dile tag, fidian dumasag patun fo dilasa ya. Agog dubol mutou fo itata wo yau dak ago ilod isou a.

³² Maria Jesus aben a ate imado se yan ate yang ile man, njen fun na yau idug irupeï, “Tubun en, onj ente mado yak man, njaineg lug en ta imat na wa.”

³³ Tamolpein dupalu yan Maria dida ditata dugo Jesus yil a. An njen o ilon itau idug materj njen o ilon idu geig go ilon tubun mi muruan a.

³⁴ Ago dugo isumianai, “Anj Lasarus dugon te aganeg yen dak i?”

Agog durupeï, “Tubun en, palup ule.”

³⁵ Agog Jesus tinañ ifunig malan turon idu ya.

³⁶ Ago dugo tamolpein dubol, “Ale, Jesus tamol an njen o tubun mi imat a.”

³⁷ Ago gug aenta igo dubol, “Tamol nek en tamol malan itau ak ikubuneg malan fon ipuk a. Gug ata wo inj tamol en san materj an yabituani san ta idaisuda na yak i?”

Lasarus fon kumaen imasa ya

³⁸ Aria, Jesus fon ilon itau idug mutou fun na yau. Mutou an inj pat gubaran tubun ak ilon lo diganeg, pat sen ak nam awan dibaltuani a.

³⁹ Jesus ibol, “Pat en apasi.”

Marta, tamol a imat amaiak lun, igo ibol Jesus irupeï, “Tubun en, inj imat go nal iwoiwo yau la ya. Ago yak njen o mumalun iwen saian da.”

⁴⁰ Ak man Jesus irupeï, “Imug mi njai onj njurupaio la ya, onj ilo lo rumok dop man, onj Anut san dabai girager anda yan ule wa.”

⁴¹ Ago tag pat dupasig Jesus malan lak na yabisag, abañ ile dugo ibol, “Bai, onj njaisag gudanek ulonj la yak njen o per njupano da.

⁴² Njai njalon ak, onj nal fidian njasag gudanek ulon da. Gug naj ru en fon nabol pe, tamolpein e ditur den dulonj dop, onse naj dinag go nupalu yen ilod lo rumok a.”

⁴³ Ru ago ibol go awan tubun mi iwagin, “O Lasarus, masap, kuai te lasa!”

⁴⁴ Ago tag tamol a imat la yan imasag, njen banin naon da yamel nam dubuluwi an ago tinin fo yen dugo, isinig kuai te ilasa ya. Ago dugo Jesus irupidaig ibol, “Yamel agali idu dop yau.”

*Juda sad gurman adi Jesus palanj an dumari a
Mat 26:1-5; Mak 14:1-2; Luk 22:1-2*

⁴⁵ An njen o Juda wei mi Maria dile wo dupalu yan, Jesus kulob girager igane yan dileg, an lo Jesus njen o ilod rumok a.

⁴⁶ Ago gug aenta man Farisi adi sad na diaug, Jesus kulob igane yan naod na dubol ilasa ya.

⁴⁷ Ago tag pris gurman adi, Farisi adi dida kaun-sil digiaig dutumanig igo dubol, “Id dugo tigane wak i? Tamol an kulob girager wei mi igane da.

⁴⁸ Id inj tilefuni dop man, inj ago mi igane yaup tamolpein fidian inj njen o ilod rumok a. Agop Rom adi dupalup, idsad tempel dipitini wa. Agop id diabituanad dop in sed mi sed ipilianaip Juda sad tamol gurman igo dumado wa.”

⁴⁹ Ak man inj lulunjad lo anajar en san pris malan te yak ta imado ya, inj yanjan Kaiafas amaiak igo ibol, “Anj ilo girek amam tia geig a!”

⁵⁰ Gidad, tamol kisaek an mi imat dop, tamolpein fidian muruan dijanane san tia ya, an uyanan a. Kabelan id fidian tadege tau banau.”

⁵¹ Gug Kaiafas inſinanen ilo sou lo mi ago ta ibol na ya. Tia, in ananar en san pris malan te ya, an lo in profet ru igo won Jesus imat pe Juda tamolpein fidian abed inane wan ninen o ibol a.

⁵² Gug in Juda adi mi wo ta ibol na ya, tia, in Anut san tamolpein aben gidigidad dumado dan ninedi wo dam ibol a. Jesus itumanaip Anut san nanun muroun igo kisaek mi dumado wa, fun naok ago yan Kaiafas san ru ilon lo yen da.

⁵³ Aria, nal a ipalu dan lo, Jesus palan an dumarig dufunip imat o dal aban dile se ya.

⁵⁴ Fun an ninen o Jesus afon malak malak Judea distrik ilon lo ta itor ila iso na ya. Tia, in ibisawaig yaug, tan kawan ak giranen na panu nanun ta yan Efraim dubol dan te inanen megeloum dida dumado na ya.

⁵⁵ Aria, Juda sad nal tubun ak Pasova tumanek dubol dan sumeik a. An ninen o panu sensen an san doup wei mi dupalug Jerusalem na dutumani a. Man dugo, inſed ikubuniaip Anut malan lo in ikok dilasa san ninen o ago digane ya.

⁵⁶ In Jesus abanan diabig tempel lo dutur dugo, nug dusumiani se ya, “An ilom dugo isou da, in ipalup, tumanek tubun en ile wak i? Tia, tia yak i?”

⁵⁷ Ago dugo gurman adi Farisi dida awad kisaek mi dutumanig, tamolpein fidian ru kagin durup- idai. Ta in Jesus dugon te imado dan ile ilon tap, gidad, kuai te ibol ilasa dop, diaup diabip, dinane dupalu wa.

Maria Jesus gureŋ nam ŋien yamisi a
Mat 26:6-13; Mak 14:3-9

¹ Nal 6 itout dop, tumanek ta tubun Pasova dubol dan san nal idu wa. Gug nal an gamugo dugo Jesus Betani panu na yau a. An Lasarus tamol a mutou lo ifufunig imasa yak san panu.

² In panu ante anan diabig, Jesus dida diani a. Ago dugo Marta man in anan isire idug iwae ipidinai a. Lasarus man tamol dida dumasig, Jesus dida anan diani se ya.

³ Ago dugo Maria in gureŋ uyanan geig, naon lak na geig ak inaneg, ate Jesus ŋien yamisig, inŋinanen gumuran roun nam isasi a. Ago dugo gureŋ an san mumalun ab an inanefute ya.

⁴ Megeloum ta, Judas Iskeriot tamol a murnap in Jesus ager banid lo igane wan, ago ile tag igo ibol,

⁵ “Dugo, id gureŋ an didaen tamol tupidinaip, naon pat tubun mok ak* tinanep bigabeg adi ka tupidinai a. Ata wo id ago ta tigane na yak i?”

⁶ Ago man in ru a ibol an bigabeg adi niŋedi wo ilon ta isou dugo ibol na ya. Tia, in gumagam tamol, ago tag in Jesus megeloum dida sad moni badam ititiani pidinai dugo, ante moni aenta inŋen niŋen o igam na ya.

⁷ Man niŋen o Jesus ibol, “Amoi dop, gidad, pein en ka alefuni on a, man dugo, in ŋai disiriag san nal niŋen o ago igane da.

⁸ Bigabeg adi an dida pempem amado da, gug ŋai man tia ya.”

⁹ Jesus panu ante imado dugo, Juda doup tubun an dulon tag, inŋan na dupalu ya. Gug in Jesus mi

* **12:5:** An nek ibol tamol kisaek san urat naon ananar kisaek inane dak igo won a.

dile wo ta dupalu na ya. Tia, Jesus Lasarus mutou lo ifufunig imasa amaiak ida dil o dupalu ya.

¹⁰ Ago tag Juda sad pris gurman adi in Lasarus dam dufunip imat san palañ an dumari se ya.

¹¹ Ata wo? Lasarus ninen o, Juda wei kasik pris awad diparsisali dugo dibisawaig, Jesus diganuri wo diau dugo, in ninen o ilod rumok a.

Jesus in Kin igo won Jerusalem na iladu ya

Mat 21:1-11; Mak 11:1-11; Luk 19:28-40

¹² Nal tinin te dugo tamolpein doup tubun a dilasag tumanek nal tubun ak dile wo Jerusalem na dutumani an, in Jesus Betani ibiseig Jerusalem na ipalu dan dulon.

¹³ An ninen o diaug, pator raen dulusunig, dal na dile wo diau. Agog in duyunani dugo igo dubol duwagin,

“Hosana, per mupano da!

Tamol Anut yanjan lo ipalu den bar inane ya!

O Isrel sad Kin, on bar nane ya!”

¹⁴ Jesus imug donki nanun ta ileg, fufo isudag imadog ipalu ya. An ninen o ru a profet ta igire yan nunon ilasa ya.

¹⁵ “O Saion san tamolpein, an arer man amoi.

Ale, ananem Kin gamu ansam na ipalu da.

Donki foun ak fufo na imasig imado dugo ipalu da.”

¹⁶ Imug mi megeloum adi girek an fun ta dulon na ya. Murnag, Jesus lak na yang yanak tubun ak inane dugug, ru Anut san buk lo, mel en agod muruan dugo dugo Jesus dupani an ninen o, dusutig kankan ipidinai a. Saen ru an dusuti an lo, dulon uyan ak, ru kulob a fidian gubak mi dile yan ninen

Anut san buk lo yen la ya, ago dugo nuñon ilasa yan inşed malan nam dile ya.

¹⁷ Nal an tamolpein doup wei mi Jesus dida dumado dugo, inĭ Lasarus mutou lo ifufunig fon kumaen imasa yan dile ya. Gamu tamolpein an Jesus kulob igane yan niñen o ru duwaeg yaug fidian duloñ a.

¹⁸ Tamolpein Jesus kulob a igane yan san ru duloñ tag, diaug dal na dile ya.

¹⁹ Man niñen o Farisi adi inşed mi diñiñen go dubol, “Ale. Idsañ palañ marek san urat an nuñon tia ya. Tan tilianek sad tamolpein fidian inĭ diganuri wo diau da!”

Grik aenta Jesus dile wo dubol a

²⁰ Tamolpein Jerusalem na nal tubun an dile wo dupalu dugo, Grik aenta inĭ dida diau a.

²¹ Grik adi an inĭ Filip san na diau. Filip man Betsaida tamol, Galili distrik lo yan, inĭ dusumiani, “Tubun en, mañ Jesus mile wo mupalu ya.”

²² Man niñen o yaug, Andru irupeï go inĭ Filip da diaug Jesus durupeï a.

²³ Jesus uraru an sad ru naon igo ibol, “Tamol Nanun inĭ yanak tubun inĭane san saen sumeik a.

²⁴ Rumok geig ñai anĭ ñurupaianĭ da, anañ patun ab lo ka yen dop, tan na ta idup imat na tap, man inşen kisaek mi yen a. Ak man, tan na idup imat tap, inĭ nuñon wei mi ifu wa.

²⁵ Talpein inşen tinin mi tan na kumaen imado wo imat dop man, inĭanen kumaen mok an ibisei a. Gug tamol ta inĭanen kumaen tan en lo yabi idu dop man, murnap inĭanen kumaen mok inĭanep, pempem mi ago yen yau a.

²⁶ Talpein enti in̄ n̄aisag urat igane wo ilon yen dop man, n̄ai n̄ieg aban iri wa. Ago dop urat aben a ante n̄ai n̄umado dan, ante mi n̄aisag urat tamol dam n̄ai da mumado wa. Agod talpein enti n̄aisag urat yabi dan, Bai Anut yan̄ak tubun ak in̄ ipani wa.”

Jesus in̄san mateŋ nin̄en o kuai tem ibol a

²⁷ Jesus fon mi igo ibol, “Gam̄u n̄ai ilog tubun mi muruan da. Man nin̄en o, n̄ai dugo n̄abol ak i? Bai, muruan e gam̄u n̄ai lo ilasa wo den oŋ ka wabituani wak i? Tia geig a, n̄ai muruan emaiak n̄isini wo n̄upalu ya.

²⁸ Bai, gidad oŋsa bunu uyan uyan ak kubiai dile!” Jesus ago ibol dugo, Anut awan lak na idug igo ibol, “N̄ai yan̄ag n̄iganeg tubun la ya. Gug fon n̄iganep, tubun geig a.”

²⁹ Tamolpein sumeikan dutur an, ru an duloŋ, agog aenta “weil ifu dak” dubol, ago dugo aenta man “eŋel ta Jesus irupeidak” ago dubol a.

³⁰ Jesus ibol, “Ru e ibol ipalu den n̄ai ibinawang san tia, aŋ ibinawaŋ o ipalu ya.

³¹ Gam̄u Anut tan en san tamolpein kot ipidinai dop, in̄ tan en san gurman Satan an ikudip kuai te ilasa wa.

³² Gug n̄ai man, murna gup dibiagsap dusuŋanag a. Nal an lo man n̄ai tamolpein fidian n̄iraup, n̄aisag na dupalu wa.”

³³ Ru amaiak ibol an lo, in̄sen dugo woŋ imat o dak kuai te ibol ilasa ya.

³⁴ Ago dugo tamolpein awan diabig dubol, “Man̄ kubiaen̄ ilon lo girek igo musuti a, Kristus man in̄ pempem imado wa. An lo, ata wo oŋ Tamol Nanun

diabisap dusuḡani wak ubol di? Tamol Nanun emaiak enti mok i?”

³⁵ Agog Jesus igo irupidai, “Saen katukan mi aḡ ilalaḡ da amado wa. Ago yak niḡen o aḡ ilalaḡ en lo mi ator a. Kabelan tidom tubun ituanaḡ banau. Tamol tidom lo itor dak man, iḡ aben dugon te yau dak iḡaon a.

³⁶ Gamu man aḡ ilalaḡ am da ya. Ago yak niḡen o, ilalaḡ en aḡ da amado dugo, aḡanem tini ganei iḡ lo agane. Agop aḡ ilalaḡ san nanun muroun mi alasa wa.” Jesus ru ago irupidaig itout go ibisawaig, malad lo imianuk go yau a.

Juda adi Jesus niḡen o ilod lo ta rumok na ya

³⁷ Jesus kulob girager an fidian Juda adi naod na igane dugo dile ya, ak gug iḡ niḡen o ilod ta rumok na ya.

³⁸ An niḡen o profet Aisaia san ru nuḡon ilasa ya. Aisaia iḡ gubak mi geig igo ibol,

“Tubun en, ensauta idsad ru ilod lo rumok ak i?

Tubun en, ensauta on tuo kubiai pidinai dugo dile yak i?”

³⁹ Iḡ Jesus niḡen o ilod rumok o dumoi, an san fun igo ya. Aisaia ru ta igo igire,

⁴⁰ “Anut idiraig malad itau an dilasa ya, iḡaned ilod dam iganeg dabai geig a.

An lo iḡ maladi nam aban dile san tia ya,

ago dugo ilodi nam maḡau diḡane san dam tia ya,

taida mi, iḡ didaḡsa san tia ya,

tia dop, iḡ ilod ibilisa tap didaḡsa dop ḡai ḡukubuniaia.”

⁴¹ Aisaia ago ibol an san fun igo ya. In Kristus san girager tubun geig ak ile dugo, in ninen o ibol ilasa na ya.

⁴² Ak man gurman aenkadi in o ilod rumok a. Ak gug Farisi ninedi wo direr go inaned ilo rumok dimiani dugo, kuai te ta digane ilasa na ya. Juda adi dukudaip in sad ubou ab patun fo dilasa wak ninen o direr a.

⁴³ Man dugo, in tamol dipitianai o dumat geig da, gug Anut ipitianai o man dumoi da.

⁴⁴ Agog Jesus isasai go awan tubun mi iwagin, “Tamol ta nai o ilon rumok dan, nai nineg o mi ilon ta rumok na da. Tia, Bai a nai idinag go nupalu yan dam ninen o ilon rumok da.

⁴⁵ Nek ago mi, ta nai iliag dan, in nai mi ta iliag na da. Tia, in Bai a nai idinag go nupalu yan dam ile da.

⁴⁶ Nai tan ente sul igo won nupalu ya. Man ninen o tamolpein ensauta nai o ilod rumok an, tidom tubun lo ta dumado na wa.

⁴⁷ “Ak man, ta naisag ru ilon gug ta iri ipani na man, nai tamol an bitinaek lo ta nigane na wa. Man dugo, nai ago nigane wo ta nupalu na ya. Tia, nai tan en san tamolpein patud nupasi wo nupalu ya.

⁴⁸ Ta in nai imoi dugo naineg ru ta inane na dan, ru e nabol den man insan bitinaek tamol on imado wa. Man dugo, ru e nabol en, saen wadan lo gup, ru an mi in ibitinae dop yabi idu wa.

⁴⁹ Man dugo, naiseg ilog nam ru ta nabol na da. Tia, Bai nai idinag go nupalu yan insan ru kagin igo ipanag a, ata ru nabol ilasa wak, agod dal dugon lo tamolpein naod na ninen an dam irupaiag go nalon a.

⁵⁰ Njai nalon ak, talpein enti Bai san ru kagin ilon dop iri dan, kumaen pempem yen san inane wa. Amaiak ninen o, ru dugo dugo nabol ilasa dan, ru nek en Bai imug mi ago nabol o ru kagin ipanag a.”

13

Jesus megeloum njedi ifulani a

¹ Pasova ad nanek tumanek gamugo ilasa dugo, Jesus tan en ibiseip Taman san na yau san saen sumeik an ilon a. Inanen tamolpein tan en lo dumado den ilon ipidinai a. An ninen o gamu inisan ilo panek tubun a in njedi wo yan ikubiaip dile san ago ilon yen da.

² Jesus megeloum dida ananj diani wo dumasig dumado ya. Ago dugo Satan imug mi Judas, Saimon Iskeriot nanun amaiak, Jesus inisan ager banid lo igane wo ilon ibali a.

³ Aria, Jesus ilon ak, Taman mel fidian in tuon lo idiri a, agod Anut sen idinig ipalu gug, fon imul Anut san na yau o an dam ilon a.

⁴ Ago tag, in ananj gigin na igane dugo, imasag madid san kulos itabug go, yamel ta inane luan ate ipulau a.

⁵ Agog you daeg lo ikulmaek go fun igane megeloum njedi ifulani a.* Agog yamel ipulau an ate njedi isasi a.

⁶ Aria, in Saimon Pita san na ipalu dugo, Pita ilon weiwei dugo isumiani, “Tubun en, on njai njieg fulani wo di?”

* **13:5:** Urat bigabeg mi urat naok ago yak digane ya.

⁷ Jesus awan yabig ibol, “Nai mel gamu njigane den on fun ta ulon na ya, ak gug murna gup on ulon fufei wa.”

⁸ Gug Pita ibol, “Tia, on nai njieg fulani san man namoi geig a.”

Jesus ru naon irupei, “Gidad nai nfulano wa, tia dop, on nai muroug lulunad lo mado san tia ya.”

⁹ Ago tag Pita irupei, “Tubun en, mago tap, nai nejig mi ta fulani na wa, tia, banig gumurag da sisem fulanai.”

¹⁰ Jesus ru naon irupei, “Tamol enti sen tinin fidian isug la yan man, tinin ikok a. An ninen o njen mi ifulani wa. An ilom tinim fidian nai lo ikok alasa la ya. Gug an lulunam lo tamol kisaek imado duman ta ikokan na ya.”

¹¹ Jesus tamol enti ager banid lo igane wan ilon la ya. Fun an ninen o, “an lulunam lo tamol kisaek imado duman ta ikokan na yan” ago ibol a.

¹² Aria, Jesus njedi ifulanig itout go, inanen kulos fon iganeg imasig, isumianai, “Kulob a an lo njigane yan fun alon i?”

¹³ An nai Girek Manau, agod Tamol Tubun ak abol da. Man an abol mok da, man dugo, nai tamol naok nek ama ya.

¹⁴ Aria, nai nek ananem Tubun ak, Girek Manau igo dam numado bo man, nai an njem nfulani a. An ninen o an dam ansem nugnug lo njem afulani wa.

¹⁵ Nai man ansem mitilaen igo won, nai njigane ago mi ansem nugnug lo ago agane wa.

¹⁶ Nai rumok nurupaian da, urat pinein ta inanen tamol tubun ak ta irinani na wa. Nek ago mi tamol enti urat lo yau dan, inisan tamol tubun ak a idinig yau an ta irinani na wa.

¹⁷ Aria, an gamu mel an fidian alon a. An kagin naok ago yan ari dop man, Anut san bar anjane wa.

¹⁸ “Ak man, ru an an fidian mi ninemi wo ta nabol na da. Tia, naj tamol ensauta a nupilianai an nalon a. Naj ru ago nabol, an lo Anut san ru inanen buk lo yen dan nunon ilasa dop ale wa. Ru an ibol, ‘Tamol ta in naj da sisem munuai dan, in naj iparfunag o njen gumin yabisa ya.’

¹⁹ Gamu, saen kulob an gamugo ilasa dugo, naj an kulob an murnap ilasa wan nurupaian da. Man ata wo? Saen kubol an ilasa dop, Naiseg, Naj Numado Dan† an ilom lo rumok a.

²⁰ Naj ru rumok nurupaian da, naj urat tamol adi nidiraig diau a. Talpein enti a naisag urat tamol inane dan, naj injiliag da. Ago dugo talpein enti naj injiliag dan, in Bai enti a naj idinag go nupalu yan dam inane da.”

Jesus Judas san aupasek kuai te igane ya

Mat 26:20-25; Mak 14:17-21; Luk 22:21-23

²¹ Jesus ru ago ibol itout dugo, ilon tubun kasik muruan idug, ru kuai te igo ibol, “Rumok nunon mi nurupaian da. An lulunam lo ta kisaek man in naj ager tamol banid lo iginiag niladu wa.”

²² In ago ibol dugo, inanen megeloum Jesus ru an lo enti issue dan dinaon geig a, an njen o sed nug dile yau imul dugo awad itau dumado ya.

²³ Megeloum a Jesus njen o tubun mi imat dan, in giranen na ida sisem dumado, ago dugo

²⁴ Saimon Pita naon itad panig igo irupe, “Jesus sumiani dop enti njen o ibol dan, ibol pe talon.”

† **13:19:** Jesus ru fanan an lo in Anut an ipitenjanai da.

²⁵ Agog megeloum an tinin Jesus titiren fo isapek go isumiani, “Tubun en, enti niñen o ubol di?”

²⁶ Jesus ru naon irupei, “Ñai bret tuor lo ñisominip, ñupani dop, an alon ak, nek tamol ama ya.” Jesus ago iganeg Judas, Saimon Iskeriot nanun, bret an ipani a.

²⁷ Judas bret an inane dugo, Satan ilon lo iladu kisaek on a.

Jesus irupeig ibol, “Mel a gane wo ilo ibol dan gane kisaek on.”

²⁸ Gug megeloum aenta dida anan diani dan, ru a ibol an san fun mok ta dulon na ya.

²⁹ Judas man in moni san badam kagin ipani na yan niñen o, Jesus irupeip soubul tubun an san melmel ta idad o boi, tia, bigabeg adi ibinawai o boi, ago ilod isou a.

³⁰ Aria, Judas anan an inane dimasag, ririan kuai fo ilasag yau a. Saen an tidom idu la ya.

Kubiaen foun ak

³¹ Judas yau la gug, Jesus igo ibol, “Gamu en Tamol Nanun in yanak tubun ak inane san nal idu ya. An lo dop, Anut dam ñai lo yanak tubun ak inane wa.

³² Aria, Anut ñai lo yanak tubun mi inane dop man, ñai in sen lo yanak tubun ak inane wa. Kulob an in ago igane saltik on a.

³³ O nanug muroug, ñai an da saen katukan mi tumado wa. Ago gup an ñai abanag abi wak gug ta aliag na wa. Nek ibol ñai Juda adi gubak mi ñurupidai ak igo won, ñai gamu an dam ñurupaian da, aben ñai ñau dan ante an au san tia ya.

³⁴ “Njai gamu kubiaen foun ak n̄panan̄ da. Kubiaen foun ak igo ya: an̄ nug niñen o amat mok a. Nek ibol naj an̄ o n̄amat dak ago mi an̄sem nug niñen o amat mok a.

³⁵ An̄ an̄sem nug niñemi wo amat dop man, an lo an̄ n̄aisag megeloum mok amado dan tamolpein fidian dulon̄ a.”

Jesus Pita in̄ niñen o itot ak o ibol a

Mat 26:31-35; Mak 14:27-31; Luk 22:31-34

³⁶ Saimon Pita Jesus isumiani, “Tubun en, on̄ dugon te wau wo ubol di?”

Jesus ru naon irupeig ibol, “Gamu aben dugon te naj n̄au dan, ante on̄ palu san tia ya, gug murna dop man, on̄ ka palu wa.”

³⁷ Pita fon isumiani, “Tubun en, ata wo naj on̄ da sisem tau san tia ubol di? Gidad, n̄aineg kumaen on̄ niñe wo ka n̄ubiseip, n̄ubinawo wa.”

³⁸ Ago tag Jesus igo irupei, “O Pita, on̄ane kumaen naj o bisei wo ubol dan, an rumok i? Naj rumok n̄urupaio da, on̄ naj ulon̄ an utot saen utol dop, kurek ibob a.”

14

Jesus in̄sen mi tamolpein Bai san na diau san dal

¹ “An̄ ilom muruan dop kankan wei mi ta agane na wa. An̄ an̄anem tini ganei Anut lo agane ago mi naj dam lo ago agane wa.

²⁻³ N̄aineg Bai san ab lo man, galun̄ wei mi dien da. Naj n̄aup an̄anem abem n̄ukubune wa. Agod saen naj an̄anem abem n̄ukubune itout dop, naj n̄amul n̄upalup n̄in̄ilian̄ pe taup naj da sisem tumado wa. An niñen o aben dugon te naj n̄umado dan, an̄ dam

ante amado wa. Ak mel an ago tia dop, ηai kuai tem ka ηurupaianη alonη a.

⁴ Aben ηai ηau dan san dal an alonη la ya.”

⁵ Agog Tomas irupei, “Tubun en, onη aben dugon te wau den manη ta malonη na ya. An ninen o dal an dugo man malonη ak i? Tia geig a.”

⁶ Jesus awan yabig ibol, “Nai mi dal, ηai mi ru rumok san fun, agod ηai mi kumaen san fun. Dal sen ta lo Bai san na au san tia ya. Nek ηai lo mi a.

⁷ Anη ηai alonη dop man, ηaisag Bai dam alonη a. Nek gamu tumado yau den lo, anη ηai Tamag o anηonη dan ago ilom isou man amoi, man dugo, inη alonη agod ale la ya.”

⁸ Filip irupei, “Tubun en, onη Bai kubiai panama. An mi manη o idaisuda ya.”

⁹ Jesus ru naon irupei, “Filip, nal milaen mi ηai anη da tumado ya. Ak dugo, en dugo wonη go ηai enti mok an ta ulonη na i? Ta inη ηai iliag an inη Bai dam ile ya. An lo, enta wo ηai Bai ηukubiai pananη o ubol di?

¹⁰ Nag ηai Bai lo ηumado den, ago mi Bai inη ηai lo imado da, an ilo lo ta rumok na di? Ru e ηai ηurupaianη den ηaiseg ilog nam ta ηabol na da. Tia, Bai inη ηai lo imado den inηanen urat ηai lo igane ilasa da. An ninen o inη ηai lo urat igane dugo, inηsan ru ηai ηabol ilasa da.

¹¹ Anη gidad, ηai Bai lo ηumado dugo, Bai ηai lo imado den, an ilom lo rumok a. Tia dop, ηai kulob girager a fidian ηigane na yan aleg kankan ipananη gup, an mi anηanem ilo rumok ka igane ilasa wa.

¹² Nai rumok ηurupaianη da, ta ηai o ilon lo rumok dop man, inη urat fidian ηai ηigane yan inη dam nek ago mi ka igane wa. Agod kulob naok inη iganed an

man melmel e ɲai ɲigane den iriɲani wa. Man dugo, ɲai Bai san na ɲau da.

¹³ An ɲ mel ta niɲen o ɲai yaɲag lo agudani tap, ɲai mel an ɲigane panaɲ a. An niɲen o Nanun urat dugo dugo igane dan lo, tamolpein Bai yaɲan tubun mi diabisawa.

¹⁴ Ata mel aɲane wo ilom ibol dan, ɲai yaɲag lo ka asumiaen a, ago dop ɲai ɲigane panaɲ a.”

Jesus Urgun ipalu san ru an ibol a

¹⁵ “An ɲai niɲeg o amat mok tap, an ɲaineg ru kagin ari apani uyanan a.

¹⁶ Agod ɲai Bai ɲugudani dop, in Binawek sen ta ipanaɲ pe, an da pempem amado wa.

¹⁷ In Awan Urgun, in ru rumok ak san mi a. Tan en san tamolpein in diɲane san tia ya. Man ata wo? In dile san tia ya, ago dugo in niɲen o diɲaon. Ak man, an in alon la ya, man dugo, in gamu an da amado dak, murnap an bubem ilon lo ilasap ante pempem imado wa.

¹⁸ ɲai an ɲubisawaɲ pe, tinam tamam tia yak igo won ta amado na wa. Tia ya, ɲai aɲsam na ɲupalup tumado wa.

¹⁹ Saen kitekan mip, tan en san tamolpein fon ɲai ta diliag na wa. Gug an ɲai aliag a. ɲai kumaen ɲumado dak niɲen o, an dam kumaen amado wa.

²⁰ Nal an lo gup, ɲai Bai lo ɲumado dan, an ɲai lo amado dan, ɲai an lo ɲumado dan alon uyanan a.

²¹ Talpein enti a ɲai awag ilon dugo iri dan, nek amaiak mi ɲai o imat mok da. Ta in ɲai o imat dan man, Bai dam in o imat da. Ago dop ɲai dam in o ɲamat dop, ɲai seg ɲukubiaip ile wa.”

²² Agog Judas en turanein, Iskeriot tia yan, in Jesus irupei, “Tubun en, on ata wo man lo mi kuai te lasa dop, tan en san tamolpein lo tia wo ubol di?”

²³ Jesus ru naon irupei, “Talpein a nai ninjeg o imat dan, naisag pitenjanek fidian iri dop paed na imado wa. Ago dop Bai in o imat pe, nai Bai da sisem in giranen na mupalup, in da nal fidian mi mumado wa.

²⁴ Gug ta nai o ta imat na dop, in naisag ru dam iri dop paen na ta imado na wa. Ru e an kududom alon den man naisag tia ya. Tia, Bai in nai idinag go npupalu yan insan ru nabol da.

²⁵ “Gamunai an da tumado dan lo, ru an fidian nabol ilasa dugo alon da.

²⁶ Gug Urgan, in an sam binawek mok a, Bai in nai yanag lo idinip ipalu wa. In mel fidian ninedi wo manau ipitenanan a, ago dop iginian pe ru fidian imug nabol go alon na yan ilom isou a.

²⁷ Nai an nbusawan o dak ninjen o, naisag ilo maror npunan pe ida amado wa. Ilo maror a npunan dan man, tan en san tamolpein ka dupanan ak igo tia ya, tan en san ilo maror man ririan itout yau a, gug naisag man yen yau san mi a. Man ninjen o, an ta ilom weiwei dop arer na wa.

²⁸ “Nai ru nabol en alon la ya: ‘gamu nbusawan pe nau gup, an sam na fon namul npupalu wa.’ An nai o amat ak man, nai Bai san na nau dak ninjen o uyam isusa wa. Man dugo, Bai san yan n naisag yanag irinani a.

²⁹ Alon ak, nai Bai san na nau san saen gamugo dugo, an nrupaian la ya. Nai ago ngane yan san

fun igo: murnap mel an ilasa dop, an ηai o ilom rumok a.

³⁰ ηai ru taida milaen mi ηurupaian san tia ya, man dugo, tan en san gurman Satan ipalu wo iton da. In ηai ibiag ηadu san man dabai aman tia geig a.

³¹ ηai ilog man igo ya. ηai tan en san tamolpein fidian ηukubiaip dile dop dulon uyanan ak igo, ηai Bai o ηamat a, ago dugo ata ru Bai irupaiaig an mi ηiri uyanan da.

Aria, amasap tau.”

15

Jesus in ai wain mok

¹ Jesus irupudaig ibol, “ηai man ai wain mok. ηaineη Bai man abi wain san muroun.

² ηai raeg aenta nuηod tia tap, abi muroun itartitip yabi yau a. Raen nuηon anda yan ikubunep, didilan itute yau dop, iluηanip, ate nuηon wei mi ifu dop yen a.

³ Ago gug ru ηai ηurupaian la yan lo an ipargalan go an ikok alasa ya.

⁴ ηai lo amado wa. ηai dam an lo ηumado wa. Ai raen a luan te ta isatuani na yak man, nuηon ifu san tia ya. Nek ago mi, an dam ηai lo amado wa, tia dop man, nuηom ifu san tia geig a.

⁵ “ηai man ai wain. An man ai wain raen. Ta ηai lo imado tap, ηai in lo ηumado dop, ate nuηon ifu fufei wa. An ηai lo tia yak man, ansem mel ta agane ilasa san dam tia geig a.

⁶ Talpein ta in ηai lo ta imado na dan, in ai raenibun ak igo ya. Ai raen ago man ditartitip, yai lo diabi yaup inani fufari yau a.

⁷ Gug an̄ ñai lo amado dop, ñaisag ru an̄ lo yen dop man, an̄anem ilom ibol ak ago mi mel nin̄en o asumianag dop, ñai ñupanañ a.

⁸ Aria, an̄ nuñom wei mi afu yak man, an̄sem ibi-lañ kuai tem alasag ñaisag megeloum mok amado da, nek an lo Bai yañan tubun geig ilasa wa.

⁹ “Bai in̄ ñai ilon ipanag dak, ago mi ñai an̄ ilog ñupanañ da. An̄ ñaisag ilo panek lo mi amado wo ilog yen da.

¹⁰ Ñai Bai san ru kagin ñuri ñupani ak nin̄en o, in̄san ilo panek lo ñumado da. Nek ago mi an̄ ñaisag ru kagin an ari apani dop man, an̄ ñaisag ilo panek lo mi amado wa.

¹¹ Ru ago ñurupaian̄ dan an̄ alon̄ dop, ñaisag uyasusai an̄ ilom lo yen o ñabol da. Agop an̄sam uyasusai an ilom lo anuap ida amado wa.

¹² Ñaisag ru kubiaen̄ man igo ya, ñai ilog ñupanañ ak ago mi an̄ nug ilon apani wa.

¹³ Talpein enti a in̄ turan nin̄en o in̄san kumaen imoi ibiseig imat tap, in̄ kagin fidian nug nin̄en o tamat san irin̄ani a. Kagin an ilo panek san nuñon mok a.

¹⁴ Aria, an̄ ñai ru kagin ñurupaian̄ an ari apani dop man, an̄ ñaisag turag muroug mok a.

¹⁵ Urat pinein man in̄ in̄anen tamol tubun ak mel igane dan man in̄ ta ilon̄ na da. Ago yak nin̄en o ñai fon an̄ urat pinein igo ñabol san tia ya. Man ata wo? Ñai ru fidian Bai awan lo ñalon̄ en an̄ ñabol alon̄ pasik la ya, an lo an̄ ñai fug fidian alon̄ a. Ago yak nin̄en o an̄ ñai turag muroug ñabol da.

¹⁶ An̄ imug ñai ta apilianag na ya. Man tia. Ñai an̄ ñipilianañ go ñaisag ak ñabol la ya. Ago yan lo aup urat nuñon agane ilasa san ago kob ñupanañ

a. Ago dop anjanem urat an nuñon yen yau a. An lo mel ta wo ñai yanag lo Bai asumiani dop man, in ka ipanañ a.

¹⁷ Ñaisag kubiaen ñurupaian duman nek en, an nug ninen o amat mok a.

Tan san tamolpein Jesus san megeloum lo ager dumado da

¹⁸ “Tan san tamolpein an o ager dumado dop man, ñai o ilom isou. Ñai ninjeg o imug mi ago digane ya.

¹⁹ An tan en san tamolpein sad muroudi dop man, an ninemi wo dumat pe, an inñsadi ak dubol a. Ak man an tan en san tamolpein mok tia ya, tia, ñai an ñipilianan go an ñaisag a. Fun amaiak ninen o tan en san tamolpein an lo siai digane wa.

²⁰ An gidad ñaisag ru imug ñurupaian en ilom isou, urat pinein ta inñanen tamol tubun ak ta irinñani na wa. In ñai diginiag saian tap, nek ago mi an lo dam ago digane wa. Ak dugo, in ñaisag piteñanek diri ak i? Tia geig a. Nek ago mi, piteñanek a an apidinai an dam ta diri na wa.

²¹ Ñai ninjeg o an dilian saian pe kagin naok ago yak an lo digane wa. Man ata wo? Bai ñai idinag go ñupalu yan, in ta dulon na ya.

²² Ñai ñupalug, ñurupidaig, inñsad aupasek kuai ñupani dugo dile ya. Ñai ta ñupalu na yak man, in aupasek amad da yan dulon san tia ya. Gug ñai ñupalug, inñaned saian kuai te ñurupidaig dulon ak ninen o, gamu sad aupasek an dimiani san tia geig a.

²³ Ta in ñai lo siai igane dan man, in Bai lo dam siai igane da.

²⁴ Inj luluᅇad lo ᅇai kulob girager tubun geig ak ᅇigane na ya. Tamol sen ta gubak mi ilasag kulob naok ago yan ta igane man tia ya. ᅇai ago ta ᅇigane na yak man, Anut malan lo inj aupasek amad tia wa. Ak gug, gamu inj kulob girager an fidian dile la gug, ᅇai lo, agod ᅇai Tamag lo dam, siai digane dugo sama ager dumado da.

²⁵ Inᅇsad kagin, ru ta inᅇsad kubiaenᅇ lo digireg yen an iganeg nuᅇon ilasa ya. Ru an igo ya, ‘Inj sen kawan mok ᅇai lo siai digane ya.’

²⁶ “Gug ᅇai Binawek Tamol ᅇiganep idu wa. Inj Awan Urgun, ago dugo inj dam ru rumok ak san fun. Inj Bai san na ilasap, anᅇsam na ipalu wa. Agop inj ᅇai fug kuai te ibol dop alonᅇ a.

²⁷ Gug anᅇ dam ᅇai fug tamolpein naod na afu-lalep dulonᅇ a. Man dugo, saen ᅇai urat fun ᅇiganeg ipalug gamu en, anᅇ ᅇai da sisem tumado na ya.

16

¹ “Muruan ipalu dop, anᅇanem ilo rumok an abi-sei banau o ru en ᅇurupaianᅇ da.

² Murnap Juda adi sad midaenᅇ lo au dop, anᅇ dukudanᅇ a. Rumok, nal idu dop, anᅇ dufunanᅇ amat a, nek dal an lo inj Anut san urat dibinawi mok dak ago dubol a.

³ Gug inj man ᅇai Bai da ta dulonᅇ na yak niᅇen o ago digane wa.

⁴ ᅇai ager niᅇedi wo ru kagin en ᅇurupaianᅇ alonᅇ a, an niᅇen o murnap anᅇ lo dugo digane dop, ru en ilom isou wa. Inug man ᅇai ru en ta ᅇabol go alonᅇ na ya, man dugo, ᅇai anᅇ da tumado na ya.

Urgun san urat

⁵ “Ak man gamu gup ηai ηubisawan pe, Bai idinag go ηupalu yan san na ηamul ηau a. Gug an sam ta kisaek ηai dugo te ηau o dan ninen o ta isumianag na da.

⁶ Gug gamu ‘ηai ηubisawan pe ηau o’ ηurupaian den ninen o an ilom isasau idu da.

⁷ ηai rumok ηurupaian da, ηai an ηubisawan pe ηau o dan, an o uyanan a. ηai gidad ηau a. Ta ηau na tap, an Ur Binawek San an ta anane na wa. Ak man ηai ηau dop man, Ur Binawek San an ηiganep, an sam na ipalup, ida amado wa.

⁸ Urgan ipalu dop, tamolpein ilod isafulalep, kagin saiak san fun, agod kagin itaot ak san fun dam dumunani fufei wa. Agod murnap Anut naon na ditur pe bitinaek lo idirai an san fun dam in sed ilod lo dukubiani wa.

⁹ Inaned kagin saiak san fun man in ηai lo ilod ta rumok na ya.

¹⁰ ηai Bai san na ηau dop, afon ηai ta aliag na wa. An lo tan en san tamolpein dulong ak ηai Bai san geig a. Dal an lo Urgan in ηaisag kagin itaot an fidian ikubiai pidinaip, dulong uyanan a.

¹¹ Tan en san tamolpein sad ilo sou lo dubol, Anut ηai bitinaek lo iginiag pe ifunag ηamat ak ago dubol da. Ak man an ta rumok na yan Urgan ikubiai dile wa. Anut ηai bitinaek lo ta iginiag na wa, tia, ηaisag mateη lo, Anut tan en san gurman Satan bitinaek lo iganeg yabi idu geig a. An Anut san bitinaek san fun.

¹² “ηai ru wei mi amag da ya, ak man an ilom itau dak ninen o, gamu ηurupaian pe alon san tia ya.

¹³ Gug murnap Urgan ru rumok ak san ipalu

dop man, kagin rumok ak mi fidian ikubiai panan a. Inj sen ilon nam ru ta ibol na wa. Tia, Anut ibol go ilon an mi irupaian pe alon a. Mel murnap ilasa san dam ibol ilasa dop alon a.

¹⁴ Inj nai yanag yabisa wa, man dugo, inj naisag mel injane dan an sam na ibol ilasa dop alon a.

¹⁵ Bai san mel fidian an dam naisag a. Man ninen o nai imug nurupaian, Urgan mi naisag mel an injanep ibol dop alon a.”

Muruan ibilisap, ilo uyan ilasa wa

¹⁶ “Saen katukan an nai ta aliag na wa. Agop fon saen katukan mi gup, nai aliag da wa.”

¹⁷ Insan megeloum aenta insed mi dininen go igo dubol, “Ru e ‘saen katukan an nai ta aliag na wa, agop fon saen katukan mi gup, nai aliag da wan’ fun dugo yak i?”

¹⁸ Insed nug dusumiani on go igo dubol, “ ‘saen katukan’, ru en fun talon uyan san tia ya.”

¹⁹ Jesus ilon ak, inj ru an ninen o dusumiani wo ilod ibol dan, ninen o irupudaig ibol, “An nag nai ru a nabol an ninen o ilom weiwei di?”

²⁰ Rumok geig, an nurupaian da, mitep an tinar aru agane wa. Gup tamolpein tan en san man inj uya susai digane wa. Rumok, an ilo muruan tubun kasik da amado da, ak man an sam ilo muruan an ibilisap ilo uyan ipanan dop, uyam isusa wa.

²¹ Pein inj nanuk igansi wo tinin lo ikubiani dop, inj ilon muruan tubun kasik aman da imado da. Agop nanuk igansip uyan dop, insan madai an ninen o ilon ta isou na wa. Man dugo, nanuk tan en lo ilasa yak ninen o ilon isou dop, uyan isusa geig a.

²² Nék ago mi, gamu an̄ ilom muruan da. Gug n̄ai fon n̄amul n̄upalup aliag dop, afon ilom uyan da wa. Ta an̄sam uyasusai an̄ ipasip isini yau san tia ya.

²³ Nal an lo dop, an̄ fon n̄ai mel ta wo asumianag san man tia wa. N̄ai rumok n̄urupaian̄ da, an̄ mel ta nin̄en o n̄ai yan̄ag lo Bai asumiani dop, man in̄ ka ipan̄an̄ a.

²⁴ Gug an̄ gubak mi ipalug gamu en dam an̄ mel ta wo n̄ai yan̄ag lo Bai asumiani man tia ya. Gamu gup an̄ n̄ai yan̄ag lo asumiani wa. Ago agane dop man, in̄ mel an ka ipan̄an̄ a. An lo an̄ ilom uyanan pe, uyasusai lo mi amado wa.”

Jesus tan en san dabai yabi idu ya

²⁵ “N̄ai ru fan̄an mi n̄abol dugo alon̄ na ya. Gug murna dop man, fon ta n̄imianip n̄urupaian̄ na wa. Tia, n̄ai Bai nin̄en o kuai te n̄abol dop alon̄ a.

²⁶ Ago dop nal an lo, n̄ai yan̄ag lo Bai asumiani wa. An̄anem awam aban an̄ nin̄emi wo Bai n̄usumiani wa, ago n̄ai ta n̄urupaian̄ na da.

²⁷ Tia, Bai in̄sen an̄ nin̄emi wo imat da. Amaiak nin̄en o in̄sen an̄ awam ilon̄ a. Man dugo, an̄ n̄ai o amat go Bai san na n̄umadog n̄upalu yan, ilom lo rumok a.

²⁸ Gubak mi n̄ai Bai da sisem mumado ya. Gug n̄ai in̄ n̄ubuseig, tan na n̄adu ya. Gamu fon tan en n̄ubuseip, Bai san na n̄amul n̄usuda n̄au a.”

²⁹ Agog in̄anen megeloum igo dubol, “Gamu en on̄ ru fan̄an ta ubol na da, tia, kuai te mi ubol ilasa da.

³⁰ Gamu en man̄ malon̄ fufei ak, on̄ mel fidian ulon̄ pasik a. An nin̄en o ta in̄ on̄ isumiano wo mala

igane san tia ya. An lo oŋ Anut san nag palu yan maŋ iloma lo rumok a.”

³¹ Jesus awad yabig ibol, “Gamu en aŋ ilom rumok geig ak abol di?”

³² Aloŋ ak, nal ta sumeik la ya, nal an lo aŋ fidian abisawag pe, aŋsiganem na afufurak au dop ŋaiseg kisaek ŋumado wa. Gug ŋaiseg kisaek tia ya, tia, Bai iŋ ŋai da mumado da.

³³ Aŋ ŋai lo amado dop, ŋaisag ilo maror aŋ da amado san niŋen o ru an ŋurupaiaŋ a. Tan en san tamolpein aŋ muruan dupanaŋ ak gug, aŋ ta arut arer na wa. Tia, aŋ ilom abisa, man dugo, ŋai yu ŋigane itout go, an lo tan en san tamolpein fidian sad dabai ŋabi idu la ya.”

17

Jesus iŋsen niŋen o Bai igudani a

¹ Jesus ru an ibol itout dugo malan lak na isidag, ibol, “Bai, ŋaisag nal idu la ya. Oŋ nanu yaŋak tubun ak panip, iŋanen bunun kuai te gane ilasa wa, an lo Nanu dam oŋ yaŋak tubun ak ipanop, oŋane bunu kuai te igane ilasa wa.

² Man dugo, ŋai dabai panag la yen ate tamolpein fidian ŋai tuog paen na dumado wa. Tamolpein a oŋ ŋai panag an, iŋ kumaen pempem yen yau san ŋupidinai a.

³ Kumaen pempem yen yau san man nek en. Iŋ oŋ Anut kisaek o lian duloŋ a, agod iŋ ŋai Jesus Kristus oŋ dinag go ŋupalu yan dam duloŋ a.

⁴ ŋai urat fidian oŋ panag go ŋigane wo ubol en ŋigane itout a. An lo oŋ yaŋa tan en lo ŋabisa ya.

⁵ O Bai, wagam oŋ tan ta gane na dugo, oŋ ŋai da girager ilalan aman an lo tumado ya. Ŋai oŋsa na ŋamul ŋupalu gup, girager an fon panag da wa.

Jesus megeloum niŋedi wo igudani

⁶ “Ŋai oŋsa fu mok, tamolpein a tan en lo sikatai go ŋai panag en ŋukubiaig dile ya. In ŋosa la ya, an niŋen o ŋai panag a. Agog oŋsa ru an dam kagin dupani da.

⁷ Gamu in dulon uyanan ak, mel fidian oŋ ŋai panag an oŋsa na ipalu ya.

⁸ Ru fidian ŋai panag an in ŋupidinaig, diŋane ya. An lo in dulon fufei mok, ŋai oŋsa nag ŋupalu ya, ago dugo oŋ ŋai dinag go ŋupalu yan dam ilod lo rumok a.

⁹ Tamolpein nek an niŋedi wo gadiŋ ŋigane da. Tan en san tamolpein fidian niŋedi wo ta ŋusumiano na da. Tia, tamolpein ensauta a oŋ ŋai panag an mi niŋedi wo ŋumosiai da. Man dugo, in oŋane mok a.

¹⁰ Tamolpein a fidian ŋaisag man oŋsa ya, agod oŋsa man ŋaisag a. In lo ŋai yaŋak tubun ak ŋiŋane ya.

¹¹ Ŋai tan en ŋibiseip, oŋsa na ŋupalu wo da. Gug in ete tan na dumado wa. O Bai, oŋ gun ak, oŋane yaŋa dabai, nek ŋai panag en, an lo idaned tamolpein kaginad gane dop, in kisaek mi dumado wa, nek ŋai oŋ da tumado dak ago mi a.

¹² Saen ŋai dida mumado se man, oŋsa dabai panag an lo mi kaginad ŋigane na ya. Dumui igo won ŋai in ŋibalgiranai na yan lo, ta kisaek ideg yau man tia ya. Gug tamol a pitinjek san in mi ideg

yau a. Inj ru ta onjane buk lo yen dan nunjon ilasa wo ideg yau a.

¹³ “Gamu naj onsa na njupalu wo da. Nai tan na njumado dugo, ru en fidian njabol dulong dop, njaisag uyasusai inj ilod anuai a.

¹⁴ Nai onjane ru njupidinaig dinjane ya. Ago dugo tan en san tamolpein inj lo siai digane da. Man dugo, inj tan en san tia ya, nek ibol naj dam tan en san tia ago mi a.

¹⁵ Nai inj tan en lo pasai diau o ta njusumiano na da. Tia, ago dumado wa. Gug naj igo njugudano da, saen inj ente dumado dop on bargiranai a. An lo Satan ipalu dop man, daon ipidinai san tia wa.

¹⁶ Nai tan en san tia ya, nek ago mi, inj dam tan en san tia ya.

¹⁷ Onsa ru mi ru rumok. Onsa ru lo diraip gun dilasa.

¹⁸ Nek ibol on naj dinag go tan en lo njilasa yan ago mi, naj dam inj njidiraig tan en san tamolpein lulunjad lo diau a.

¹⁹ Nai inj njibinawai o seg tinig njipiranig, an lo gun njumado dop onjane ilobol mi njiri wa. Agop inj dam gun dilasap, sed tinid dipirani dop onjane ilobol diri mok a.

Jesus ilo rumok adi aenta ninjedi wo igudani a

²⁰ “Nai megeloum en ninjedi wo mi ta njugudano na da. Tia, mitep njidinaip, njaisag ru dufulalep tamolpein aenta dulong pe, ilod lo naj o rumok a. Tamolpein an ninjedi wo dam njugudano da.

²¹ Nai ilog man, inj fidian ilod kisaek mi dumado wa. On naj lo mado dak, agod naj dam on lo njumado da, nek ago mi inj dam id da sisem tumado wo

ņugudano da. Ago tap, tamolpein tan en san oņ ņai dinag go ņupalu yan ilod lo rumok a.

²² Oņsa yaņa dabai da ņai panag an in ņupidinai la ya. Agop in ilod kisaek dumado wak, nek ibol oņ ņai da tumado dak ago mi in dam dumado wa.

²³ Nai in lo ņumado dop, oņ ņai lo mado wa. An lo nek ibol id ilod kisaek mi ak igo woņ, in dam ilod kisaek mok o ņamat da. Agop tamolpein tan en san oņ ņai dinag go ņupalu yan duloņ a. Ago dop oņ ņaisag tamolpein niņedi wo umat dan, ņai o umat dak ago mi gane yan, an dam tan en san tamolpein duloņ a.

²⁴ “O Bai, ņai ilog man igo ya, aben a ante ņai ņumado wan, ante dam tamolpein a oņ murnap panag an ņai dida mumado wa. Ago dop ante in ņaineg girager dam dile wo ņusumiano da. Tan en tia lo oņ ņai o umat go girager en panag a. Girager an in fidian dile wo ilog tubun mi ibol da.

²⁵ “O Bai, oņ itaota mok, gidad tan en san tamolpein oņ duloņ man tia ya, ago gug ņai oņ ņaloņ a. Ago dugo ņaisag adi oņ ņai dinag go ņupalu yan duloņ a.

²⁶ Nai oņane fu kuai te in lo ņigane ilasa la yan, nek ago mi ņigane yau oņ a. An lo dop oņsa ilo panek ņai panag an in bubed lo dirip yen a, agod ņai dam in lo ņumado wa.”

18

Ager adi Jesus diabi a

Mat 26:47-56; Mak 14:43-50; Luk 22:47-53

¹ Jesus igudani itout go megeloum dida diaug, dog Kidron dututeg, aen ate abi oliv lo sasau ate dilasa ya.

² Aria, Judas, palaŋ niganag tamol an, iŋ sasau ante dumado se yan iloŋ a. Man dugo, Jesus iŋanen megeloum dida pempem sasau an ate dutumani da.

³ Judas imug mi pris gurman adi agod Farisi adi sad na yaug, tempel titianek aenkadi agod yu tamol adi dam iŋal o yau a. Agog iŋ malan imug dugo fidian ŋien aban dirig yu, dumui, agod sul ago duburoug dida diau a. Agog aben a ate Jesus iŋanen megeloum dida dumado dan te dilasa ya.

⁴ Jesus mel fidian iŋ lo ilasa wo dan iloŋ an lo, naod na isuk siŋired na ilag irupudai, “Aŋ enti abanjan abi di?”

⁵ Iŋ dubol, “Maŋ Jesus, Nasaret tamol amaiak abanjan mabi da.”

Agog Jesus ibol, “Ŋai nek ebe.”

Judas iŋ ager adi Jesus ikubiai pidinai an dida ditur a.

⁶ Saen Jesus “ŋai nek ebe” ago ibol an, iŋ dusuk dumul go tan na diau dudu ya.

⁷ Agog Jesus fon isumianai, “Aŋ enti abanjan abi dak i?”

Iŋ ru naon durupeŋi, “Jesus, Nasaret tamol amaya.”

⁸ Agog Jesus irupudai, “Ŋai ŋurupaian la ya, ŋai nek ebo. Ŋai abanjan abi wo tap, ŋaineg megeloum en abisawaip diau.”

⁹ Ru gubak mi ago ibol, “Tamolpein a oŋ ŋai panag an luluŋad lo talpein kisaek ideg yau man tia ya.” Aria, gamu ru an nuŋon kuai te ilasa ya.

¹⁰ Agog Saimon Pita aban ago ileg, tiñaen saian go sabiri igursig, pris malan te yan san urat pinein ifunig, kududon won ak isubari idu ya. Pinein an yan an Malkus.

¹¹ Gug Jesus ru dabai nam Pita irupeï, “Onane sabiri aben lo usoudu. Ak dugo, ñai gab lo ñaluk o Bai ipanag en lo ñaluk san tia ubol di?”

Jesus diabig pris malan te yan an Anas an san na diau a

¹² Agog yu tamol adi, in sad gurman, tempel san titianek dida Jesus diabig, rasau nam dusubanig,

¹³ dida Anas san na diau a. Anas man Kaiafas niteñ. Kaiafas in anañar en san pris malan te yak imado ya.

¹⁴ Kaiafas in sen in Juda adi ago ibol irupudai la ya, “Gidad, tamol kisaek an mi imat dop, an lo tamolpein fidian muruan diñane san tia ya, ago man uyanan a.”

Pita in Jesus ta ilon na ibol a

Mat 26:69-70; Mak 14:66-68; Luk 22:55-57

¹⁵ Jesus diñaneg diau dugo Saimon Pita in Jesus san megeloum taida Jesus patun fo diau a. Pris malan te yan megeloum an nug dulon ak niñen o megeloum an Jesus ida sisem ar ilon lo diladu ya.

¹⁶ Gug Pita in kitek asau mi ar awan te itur dugo malan igane se ya. Ago dugo megeloum a pris gurman ilon uyan an imul go ar awan te yaug, ar awan titianek pein an irupeip Saimon Pita in ane iladu wo ago isumiani a. Ago tag pein an yaug Pita idinig, ar ilon lo iladu ya.

¹⁷ Ago gug pein an Pita irupeï, “On man dag tamol emaiak san megeloum ta i?”

Ago dugo Pita ibol, “Ŋai man tia ya.”

¹⁸ Abaŋ madid tubun tinan ak niŋen o pris malan te yak san urat pinein adi iŋ tempel titianek adi dida, yai dutuni ak san midiger an tinid isue dugo, Pita dam yai an fun na tinin isue dugo dida dumado se ya.

Pris malan te yan Jesus isumiani a

Mat 26:59-66; Mak 14:55-64; Luk 22:66-71

¹⁹ Ago dugo pris malan te yan Jesus san megeloum niŋedi wo isumiani dugo, ru piteŋanek tamolpein ipidinai na yan dam niŋen o isumiani se ya.

²⁰ Agog Jesus ru naon igo ibol, “Ŋai ru fidian tamolpein kuai te mi ŋurupidaig duloŋ na ya. Nal wei mi Juda sad tumanek aben lo, tempel lo dam, ante maŋau ŋupiteŋanai se ya. Ru ta mianuk lo ŋabol man tia ya.

²¹ Fun an niŋen o ata wo ŋai sumianag dak i? Tamolpein ensauta a ŋai awag duloŋ an sumianai gup, ŋai awag aban dubol dugup uloŋ a.”

²² Jesus ago ibol dugo, tempel titianek ta giranen na itur an Jesus kudaŋan igufuteg ipei, “Dugo, oŋ pris gurman malan te yan ru naon ago rupei an uyan ak i?”

²³ Jesus awan yabig ibol, “Dugo, ŋai ru saian ŋabol ak i? Ago tap, tamolpein en fidian rupidaip duloŋ. Gug ŋai ru rumok ak mi ŋurupei ak man, ata wo oŋ ŋai funag ak i?”

²⁴ Agog Jesus banin dusubanig, diŋaneg pris malan te yak neinta, Kaiafas dubol dan san na diau a.

Pita fon Jesus ta ilon na yak ago ibol a

Mat 26:71-75; Mak 14:69-72; Luk 22:58-62

²⁵ Saimon Pita yai tinin isued itur dugo, talpein ta dusumiani, “On dam tamol emaiak san megeloum ta boi i?” Pita itot go igo ibol, “Nai man tia ya.”

²⁶ Pris malan te yak san urat pinein ta inanen turan Pita kududon isubari an imasag, Pita irupei, “Dugo, on nek emaiak in da ai oliv abi lo amado dugo njilian ak i?”

²⁷ Agog Pita fon itot an, kurek ibob kisaek on.

Jesus dijaneg, Pailat san na diau a

Mat 27:1-2,11-14; Mak 15:1-5; Luk 23:1-5

²⁸ Tidom lom mikinik anda Jesus dijaneg Kafas san ab dubuseig, dida gabman gurman malan te yak, yanjan Pailat dubol dan, injan gabman san ab lo diau a. Pailat man in Juda tia, in Rom tamol. An ninen o Juda adi ago dubol, “Kabelan injan ab lo tisidap mel ta tabi dop, Anut malan lo sed nun ipanad pe, an lo idsad tumanek Pasova en lo anan tani san tia banau.”

²⁹ Ago tag in ab patun fo dutur dugo, Pailat kuai fo ilasag, isumianai, “An ata wo tamol an ru lo agane di?”

³⁰ Agog in ru naon igo dubol, “Tamol en kulob saian ak ta, ta igane na yak man, man onsa na minjane mupalu san tia ya.”

³¹ Agog Pailat irupudaig ibol, “An anjane aup, anjanem kubiaen lo asumianip ale.”

Gug Juda adi in durupei, “Ansam kubiaen lo man, man tamol mafu dumat san ninen o geg apanama da.”

³² Mel e ilasa yen, wagam Jesus inſen dal dugo woŋ lo imat ak ninjen o ibol an, gamu nuŋon kuai te ilasa ya.

³³ Aria, Pailat fon inſan ab lo iladug, Jesus iwagig isumiani, “Ak dugo, oŋ Juda sad kiŋ ak i?”

³⁴ Agog Jesus ru naon irupeig ibol, “An dag oŋsigane ilo sou lo ubol di? Tia, tamol ta ibol ulon go ate ubol di?”

³⁵ Pailat awan yabig ibol, “Oŋ ŋai Juda ubol di? Oŋsigane warou adi in pris gurman adi dida dibiog, ŋai banig lo diginio ya. Oŋ muruan naon dugo gane yak i?”

³⁶ Jesus ru naon irupei, “Rumok, ŋai kiŋ ŋumado da, ago gug ŋai tan en san tia ya. Ŋai tan en san kiŋ dop man, gamu ŋaisag turag muroug dumasap, ager diganep, Juda adi ŋai dibiag san tia wa.”

³⁷ Ago tag Pailat irupei, “Dugo, oŋse oŋ kiŋ ta ago ubol di?”

Jesus ru naon irupei, “Oŋse nek a ubol da. Ŋai kiŋ ta, ŋai tan en lo ru rumok ak ŋabol ilasa wo ŋupalu ya. An lo ta in ru rumok san man, in ŋaisag ru ilon dop ru an iganuri wa.”

Pailat Jesus aigim fo dubali wo ibol a

Mat 27:15-31; Mak 15:6-20; Luk 23:13-25

³⁸ Pailat awan yabig isumiani, “Ru rumok en ata mel ak i?” Agog fon ab patun fo ilasag, Juda adi naod na itur dugo irupidai, “Ŋai in lo saian ta ŋile man tia ya, an lo aŋ ru apani san man fun an tia ya.

³⁹ Gug Pasova tumanek san nal lo, aŋsiganem kagin anaŋar kisaek lo agane dan, tamol kisaek

subanek lo n̄upasip n̄upanaŋ a. Ago yak niŋen o aŋ Juda sam kiŋ en n̄upasip n̄upanaŋ o abol di?”

⁴⁰ In fon disasaig igo duwagiŋ, “In tia ya, gidad Barabas mi pasi panama!” Barabas in ager san tamol, imug Juda adi aenta Rom gabman diabi idu wo yu diabisa ya, ago dugo in lulunad lo Barabas imado ya.

19

¹ Ago man Pailat ibol dugo, inŋsan yu tamol adi Jesus diŋaneg lubum nam dufuni a.

² Yu tamol adi mel bukorkor igo dudurun anda yak ditiladeg, kabunjan fo disisi idu dugo, yamel daran ak nam tinin dubuluwi a.

³ Agog Jesus siŋiren na diau dumul dugo, kukokan diganeg naon dufuteg dupeig dubol, “Per o, Juda sad kiŋ!” In ago dubol dugo in naon dufuni se ya.

⁴ Ago gug Pailat fon naod na kuai te ilasag, ibol irupudai, “Ale, ŋai inŋsan saian ta lo muruan isini san ŋile man tia geig a. An niŋen o naom na kuai te ŋigane ilasa da.”

⁵ Jesus gumuran fo kam dudurun anda gubak mi ditilade yan disisi idug, yamel daran ak tinin fufo yen dugo, kuai te ilasa ya. Agog Pailat ibol, “Ale, tamol en nek ebo ya!”

⁶ Ago gug pris gurman adi in tempel san titianek adi da Jesus dileg duwagiŋ go dubol, “Aigim fo abali mok abali!”

Gug Pailat ru naon irupidai, “Ŋai in lo saian ta ŋile man tia geig a. Ago yak niŋen o aŋsem aŋane aup, aigim fo abali.”

⁷ Ago tag Juda adi igo dubol, “Manjsama kubiaen ta yen dan lo man, in imat mok a. Man dugo, in Anut Nanun mok ago ibol a.”

⁸ Pailat ru ago ilon go, ilon tubun mi irer se ya.

⁹ Ago tag Pailat in fon Jesus ida ab lo diladug isumiani, “On sauta mok a? Onse fu ubol pe nalon.” Gug Jesus ru naon ta irupe man tia ya.

¹⁰ Agog Pailat ibol, “On ata wo nai awag ta wabi na dak i? Ulon, nai dabai ag da ya. Nupaso wo nabol tap, nupaso wa. Tia, aigim fo nie bani nubali wo nabol tap, nubali wa. On naisag fug ta ulon na yak i?”

¹¹ Jesus ru naon igo ibol, “Anut dabai ipanog lo on ka nai bilag njadu san. Tia dop, on mel ta saian ak giniag san dabai ama tia ya. Fun amaiak ninen o, tamol a nai on tuo lo iginiag an, in san aupasek onsa aupasek en irinani a.”

¹² Pailat ru an ago ilon tag, irut irer saian geig go, Jesus ipasi wo dal an aban yabi se ya. Gug Juda adi disasai duwagin dugo dubol, “On tamol en pasip yau tap man, on Kaisa turan tia geig a. Tamol ta in sen kin ak ibol dan man, Kaisa naon dal ifou da.”

¹³ Pailat sisein tubun mi ago ilon tag, iladug, Jesus kuai te iganeg ilasa. In ru tulek tamol* san badim fo imasi a. Aben an yan an Pat Aten dubol da, Hibru ru lo Gabata dubol da.

¹⁴ Gamu man tumanek tubun san anan kubunek nal idu wo da.

Ad titinaem mi dugo Pailat Juda adi igo ibol irupidai, “Ale, ananem kin nek ebo ya!”

¹⁵ Gug Juda adi igo dubol duwagin, “Ganep ideg yau! Ganep ideg yau! Aigim fo bali!”

* **19:13:** Jas

Ago tag Pailat isumianai, “Anŋ ŋai ananem kin aigim fo ŋibali wo abol di?”

Agog pris gurman adi ru naon igo dubol, “Manŋ kinŋ taida man tia geig a. Kaisa sen kisaek o lian mi a!”

¹⁶ Pailat ru ago ilonŋ tag, Jesus aigim fo dubali wo ipidinai a.

Jesus aigim fo dubali a

Mat 27:32-44; Mak 15:21-32; Luk 23:26-43

¹⁷ Agog Pailat san yu gurman adi Jesus diŋaneg, inŋsinanen aigim isinig, dida Jerusalem dibiseig di-aug, aen ate tan biŋaborŋ ta, yaŋan “kabuŋan kapen san aben” dubol dan ate dilasa. Hibru ru lo yaŋan Golgota dubol da.

¹⁸ Aben ante Jesus aigim fo dubali a. Nal an lo tamol uraru an dam inŋ Jesus ida sisem dubalai a. Uraru an giranŋen ananaem dubalai idu dugo, Jesus inŋ titiŋae mi dubali a.

¹⁹ Aria, Pailat ai lapan fo girek ta ago ibol igire, “Jesus Nasaret tamol, inŋ Juda sad kinŋ.” Girek an aigim gumuran fo dubali a.

²⁰ Inŋ Hibru, Latin, Grik ru lo igire ya. Aben a Jesus ate dubali an man Jerusalem giranŋen na ya, an ninŋen o Juda wei mi girek an dusuti se ya.

²¹ Man ninŋen o Juda sad pris gurmadi Pailat igo durupe, “Onŋ Juda sad kinŋ ago ubol gire umoi. Tia, ‘tamol en inŋsen ŋai Juda sad kinŋ ibol’ ago mi gire.”

²² Gug Pailat ru naon igo ibol, “Mel ŋai ŋigire yan ŋai ŋigire ya. Nek ago mi yen a.”

²³ Yu tamol Jesus aigim fo dubali la gug, tinin fufu inŋanen yamel kulos an digalai idug, anen anen

duburoug malan iwoiwo didiri a. Kulos ta fidian mi, awan ta duwei na ya,

²⁴ an niŋen o ago dubol, “Id en ta tisire na wa. Tia, en yen dop, id ate satu takok dop, ta in isinani tap inane wa.” Yu tamol kulob a digane yan gubak mi ru girek lo yen amaiak nuŋon digane ilasa ya. Girek ago ibol,

“In ŋaisag kulos duwaeg disini gug,
kulos ta awan fidian man ate satu dukok a.”
An lo yu tamol adi ago digane ya.

²⁵ Jesus tinan, inanen tein, Maria Klopas iwon, Maria Magdala san pein, pein iwoiwo yan in Jesus san aigim fun na sumeik mi dutur a.

²⁶ Aria, Jesus tinan ile, megeloum a in o imat dan tinan da sisem dutur dugo yil tag, tinan irupei, “Nei, oŋane nanuk ule!”

²⁷ Agog fon megeloum an irupei, “Ule, an oŋane tina.” Ago tag nek nal antem megeloum an tinan Maria inaneg ida sen nuab lo diaug, kaginan igane se ya.

Jesus imat a

Mat 27:45-56; Mak 15:33-41; Luk 23:44-49

²⁸ Aria, Jesus inŋsan urat fidian iganeg itout an ilon go, Anut anen ru girek ta wagam yen an nuŋon ilasa wo igo ibol, “Ŋai you o ŋamat da.”

²⁹ You kapen ta wain gigen aman da yak lo yen a. Ago tag mel ta beig san titalin ago yak dijaneg, wain gigen an lo disominig, ai ate dufoug, duwate isidag, Jesus awan lo diganeg, isupupi.

³⁰ In an itunali gug igo ibol, “Itout a.” Ago ibol go gumuran imagor paon fo idu dugo ŋutun ibiseig ilasa ya.

³¹ Nal a Jesus imat o man, soubul dukubune san melmel digane se ya. Sabat nal idu wo sumeik dan in nal tubun mok a. Ago tag Juda adi tamol utol an susanudi aigim fo dien san dumoi. Man ninen o diaug, Pailat igo dusumiani, “On ubol pe yu tamol aenta dinaip, n̄ied dubalsisinip, ririan dumat dop, susanudi ka dupasai idu wa.”

³² In awok ibol tag, diaug, tamol uraru Jesus giranen na dubalai an mi n̄ied dubalsisinig dumat a.

³³ Ago gug Jesus dile yak man, in imat la yan ninen o dumoig, n̄ien ta dubalsisini na ya.

³⁴ Gug yu tamol kisaek yu in̄aneg, yaug, isou isidag, Jesus giranen isowae dugo, you dar da sisem dudu kisaek on a.

³⁵ Talpein enti, in̄san leil lo melmel e ilasa yen fidian nin̄edi wo kuai te ibol ilasa yen, in̄san ru an rumok geig a. In ru rumok mi in̄in̄en da, ago dugo in ru rumok ak mi in̄in̄en dan ilon da. Ru e igire den, an Jesus o ilom lo rumok san ninen o igire da.

³⁶ Mel e gamu ilasa den man wagam Anut girek lo ibol ak ago mi nūon igane ya. Ru an igo ya, “In̄san tatu ta kisaek dubalsini man tia ya.”

³⁷ Agod ru taidam igo ya, “Tamol a yu nam disowae an leil dupani wa.”

Jesus san sisanun pat gubaran lo digane a

Mat 27:57-61; Mak 15:42-47; Luk 23:50-56

³⁸ Gurai idu dugo Josef, Arimatea panu san tamol an Pailat san na yaug, Jesus san sisanun in̄ane wo isumiani. Josef dam in Jesus ilon lo rumok a. Ak man Juda nin̄edi wo irer an ninen o ilon lo mi imianuk on itor se ya. Pailat awok ibol tag, Josef imul yaug sisanun an in̄ane ya.

³⁹ Nikodemus, in̄ wagam tidom ta lo Jesus san na yau amaiak, gamu gureñ mumalun uyanan ak isinig ipalu ya. An san muruan kitek 30 kilogrem igo won̄ a.

⁴⁰ Juda sad kagin lo Jesus tinin gureñ nam diamisig, yamel dam gureñ diabig, ate sisanun dubuluwig, dufoug, disare wo disini diau a.

⁴¹ Aben a Jesus aigim fo dubali an, giran̄en na sasau aben ta sumeik yen da. An ate pat gubaran dukubuneg yen da, pat gubaran an gamugo tamol ta ate disare ya.

⁴² Nal an Juda adi sad tumanek tubun ak melmel dukubune san nal sumeik a. An nin̄en o tamol uraru an Jesus sisanun aben ante digane ya, man dugo, mutou an sumeikan yen a.

20

Jesus fon kumaen imasa da ya

Mat 28:1-8; Mak 16:1-8; Luk 24:1-12

¹ Sabat nal* itout go urat nal malan te an lo† Maria, Magdala pein an aban̄ mikinik anda mutou fun na yau. In̄ yaug pat gib awan ate dubalfutani an, itubuluk gigin na yaug yen dugo ile ya.

² Ago tag in̄ imaspalug, megeloum uraru, ta Saimon Pita, ta a Jesus nin̄en o imat an, sad na yaug irupudai, “Idsad Tubun en dijaneg diau a. Dugon te digane man man̄ ta malon̄ na ya, mutou an kawan yen da.”

³ Ago tag Pita in̄ megeloum an da aben an dubu-seig, dumaspalug, mutou fun na diau a.

* **20:1:** Sarere † **20:1:** Sande

⁴ Uraru an sisem dumaspalug, diau ak gug, megeloum an inj Pita naon yabi irinjanig, inj inug mutou fun na ilasag,

⁵ gib lo iyep ak man yamel kilaken linen nam diwei an mi yen dugo ile ya. Gug inj mutou ilon lo ta iladu na ya.

⁶ Saimon Pita murna ipalu ilasag, pat gubaran ilon lo iladug, yamel kilaken a linen nam diweig ate Jesus dubuluwi an mi ile ya.

⁷ Ago dugo yamel milaen ate kabunan dutuani an dam kitek asau mi yen dugo ile ya. Yamel an dulumu ak sen kisaek yen dugo, linen kilaken man kitek asau mi yen dugo ile ya.

⁸ Agog megeloum a imug yaug ilasa yan, inj dam pat gubaran ilon lo iladug, aban nek ago mi ileg, ilon lo rumok a.

⁹ Nal an lo man injsinan megeloum Jesus maten lo imasa san ru Anut san buk lo yen an gamugo dulon a.

Jesus Maria Magdala pein an naon na ilasa ya

Mat 28:9-10; Mak 16:9-11

¹⁰ Agog megeloum uraru an dumul go aben dumado dan ante diau a.

¹¹ Maria fon imul go mutou awan te itatad itur gug, itakoksig gib lo iyep go,

¹² enjel uraru kulos milkouk geig ak amad da sisanun yen ak aben na dumado dugo yil. Neinta njen na imado dugo, neinta gumuran na imado dugo ile.

¹³ Uraru en Maria durupeu, “Nei, on ata wo tata di?”

Inj irupidaig ibol, “Naisag Tubun en digam go dugon te digane yak man naj ta njalon na ya.”

14 Inj ago ibol go idanŋsa man, Jesus itur dugo ile. Gug inj Jesus sen itur dan ta ilonj na ya.

15 Jesus irupe, “Nei, onj ata wo tata di? Enti abanjan wabi di?”

Maria ilon lo tamol en sasau an san titianek tamol ta ibol go isumiani, “Tubun en, onj njaneg dugon te sini wau an, rupaiag pe, njanp njanane wa.”

16 Jesus awan yabig ibol, “Maria.”

Maria idanŋsag, Hibru ru lo iwaginj go ibol, “Rabboni!” (Ru an fun man: girek manau.)

17 Maria Jesus yabi wo igane dugo inj imoig ibol, “Onj nai biag umoi, man dugo, nai Bai san na gamugo nau da. Ak man onj waup, teig taog nai ago nabol ak ubol rupudai, ‘Nai lak na Bai san na namul nau o da. Naineg Tamag en anŋsam Tamami, naineg Anut en, anj dam sam Anut, amaiak san na namul nau o da.’ ”

18 Man ninen o Maria Magdala pein an yaug, megeloum irupudai, “Tubun en njile la ya!” Agog Jesus san awan aban an dam irupudaig dulonj a.

Jesus megeloum naod na ilasa ya

Mat 28:16-20; Mak 16:14-18; Luk 24:36-49

19 Nal nek a ubou guraian megeloum inj Juda ninedi wo direr go, ab lo dumado dan dalawan fidian dufutanai idug, ilon lo mi dumado dugo, Jesus lunjad lo ilasag, itur dugo igo ibol irupudai, “Anj maror am da amado wa.”

20 Inj ago ibol dugo, banin giranjen dam ikubiai pidinai a. Agog megeloum inaned Tubun en dile yak ninen o uyasusai tubun mi digane ya.

²¹ Jesus fon irupudai, “Anj maror am da amado! Bai naj idinag go tan na nupalu ya, nek ago mi naj anj nidiranj pe, urat lo au a.”

²² Inj ago ibol dugo, ur iwi pidinaig, igo ibol, “Nai Urgun nupananj da.

²³ Anj tamolpein injaned aupasek apare idu dop man, Anut dam aupasek an ipare idu wa. Ak gug anj injaned aupasek ta apare idu na dop man, Anut dam ta ipare idu na wa.”

Tomas Jesus ile ya

²⁴ Aria, nal a Jesus megeloum sad na ipalu yan Tomas, inj yanjan neinta Didimas, inj dida ta dumado na ya.

²⁵ Murna gug Tomas ipalu dugo megeloum aenta durupei, “Manj Tubun en mile la ya.” Gug Tomas igo ibol irupudai, “Nai ilog lo ta rumok na ya. Naiseg banin bitaten njilep, banig yaup, giranjen dam yu aben nusuep njile gup man, naj ilog lo rumok a.”

²⁶ Murnag nal 8 yau gug, megeloum Tomas dida sisem ab lo dumado yan, dalawan dufutanai pasi ak gug Jesus fon ipalug, luluñad lo itur go ibol, “Anj maror am da amado wa.”

²⁷ Agog inj Tomas irupei, “Onjane bani wate ipalup, banig aten wabi ule. Ago dop bani wate ipalup giraneg dam suep ule. Onj ilo uraru mado umoi. Ilo kisaek naj o mi ilo lo rumok a.”

²⁸ Ago man Tomas ru naon igo ibol, “Onj najneg Tubun en, najneg Anut mok a!”

²⁹ Agog Jesus irupei, “Onj naj liag an ninjen o ilo lo rumok a. Gug ta inj naj ta diliag na gug, naj o ilod lo rumok an, bar injaneg imado da.”

Girek en san fun

³⁰ Jesus in kulob girager aenta wei mi megeloum naod na igane idu se yan, girek en lo ta yen na da.

³¹ Ago gug girek e yen la yen an ale dop, an lo Jesus in Kristus, Anut Nanun, an mi an ilom lo rumok o ngire ya. Agop an in o ilom rumok an lo, in yan an lo kumaen pempem yen san anane wa.

21

Jesus megeloum 7 naod na ilasa ya

¹ Kitek murnag Jesus fon inanen megeloum adi aenta naod na kuai isi dugo dile ya. Mel an igo ilasa ya.

² Jesus san megeloum aenta, sed naod na Galili distrik lo dumul diau a. In yanadi en: Saimon Pita, Tomas, yan an neinta Didimas, Nataniel in distrik Galili san panu Kana tamol, Sebedi nanun uraru, megeloum uraru taida mi sisem you saltek Tiberias san lon ante dumado ya.

³ Lon na dumado dugo Pita irupidai, “Nai iy o nau wo da.” Ago tag aenta durupei, “Id sisem tau a.” In diaug, wog lo dusuda gug, tidom an lo iy ta kisaek dinane man tia geig a.

⁴ Salso idug ad isida wo itor dugo, megeloum adi wog lo urat digane se yan, tamol ta lon na itur dugo dile. Ago gug tamol an Jesus boi, an ta ilod isou na ya.

⁵ Agog Jesus igiai, “O turag muroug, an iy amam da i?”

In awan diabig dubol, “Man iy tia ya.”

⁶ In fon igiaig ibol, “An iy dob an wog giranen won ak lo abili idup, iy anane wa.” Ago tag in ibol

ak atem ago digane ya. Agog dob an iy awan isag, muruan kasik, diraep isuda san tia ya.

⁷ Agog megeloum kisaek a Jesus ninen o imat dan, in Pita irupei, “An idsad Tubun ak in sen.” Ago dugo Pita ru a “idsad Tubun ak” ago ilon tag, urat kulos igali idug yen an fon kulos uyan ak idirig, you lo isokalik idug, Jesus san na yau.

⁸ Gug megeloum aenta in wog lo dumado yan dufulanig, dob iy aman da yan diraeg lon na dupalu se ya. In lon na asau mi dumado man tia ya, tia, in kitek 100 mita igo ya.

⁹ In dupalug, lon na dusuda man, in iy anan bret da yai fo dien dugo dil a.

¹⁰ Agog Jesus irupudaig ibol, “Iy gamu anane yen ta igo asini apalu.”

¹¹ Ago tag Saimon Pita wog lo isudag, iy dob iraeg ibili lon na isuda ya. Iy tutubu yak wei mok dob lo disudag anuai an, sad sutek lo 153 igo ya, ago gug dob kitek imasirei man tia ya.

¹² Agog Jesus irupudai, “Apalup anan ani.” Megeloum ta “on enti?” ago ibol isumiani wak man ninen o direr a. Man dugo, in fidian tamol an Jesus in sen an dulon uyan a.

¹³ Agog Jesus ipalug, anan bret in aneg, iwaeg ipidinai dugo iy dam ago mi igane ya.

¹⁴ Aria, Jesus mutou lo imasag in anen megeloum dile man saen uraru ya, ago mi gamu en saen taidam fon lon na dile ya.

Jesus san sipsip Pita ifutuwai o ibol a

¹⁵ Dunuai itout gug Jesus Saimon Pita irupei, “Saimon, Jon nanun, on naj ninjeg o umat den,

melmel aenta e niñedi wo umat den iriñanai geig i?”

Agog Pita ibol, “Tubun en, oñ uloñ ak, ñai oñ o ñamat mok a.”

Agog Jesus ibol, “Oñ ñaineg sipsip nanudi futuwai panag.”

¹⁶ Agog Jesus fon ibol, “Saimon, Jon nanun, oñ ñai niñeg o umat mok di?”

Pita ibol, “Tubun en, oñ uloñ ak, ñai oñ o ñamat da.”

Agog Jesus fon ibol, “Oñ ñaineg sipsip kaginad gane.”

¹⁷ Agog Jesus fon irupeig ibol, “Saimon, Jon nanun, oñ ñai niñeg o umat di?”

Pita Jesus isumiani utol ak niñen o ilon tubun mi muruan go igo irupeï, “Tubun en, oñ mel fidian uloñ pasi a, an lo oñ uloñ uyan ak, ñai oñ o ñamat da.”

Agog Jesus irupeï, “Oñ ñaineg sipsip futuwai.

¹⁸ Ñai ru rumok ñurupaio da. Imug oñ utor na man, let oñse lua te fou ya. Agop dugon te wau o ilo ibol an ante mi wau da. Ak man murnap oñ tamol saiak gane gup, bani wate dop, tamol sen ak ta oñ lua te let ifou panop, aben oñ ate wau o ilo imoi an, ante diñilio wau a.”

¹⁹ Jesus ru a Pita irupeï an man, murnap Pita dal dugo woñ lo imat pe Anut yañan yabisa san, ikubiai pani amaiak niñen o ibol a. Ru ibol itout go fon irupeï, “Oñ palup, ñieg aban uri wa!”

²⁰ Agog Pita idañsag, megeloum a Jesus niñen o imat dan, patun fo ipalu dugo ile. Megeloum nek emaiak gubak mi Pasova tumanek san anañ diani san nal lo, Jesus ida sisem dunuai dan, in Jesus

titiren fo isapek go isumianig ibol, “Tubun en, enti mok onj ager banid lo ibilo lasa wak i?”

²¹ Pita ile dugo Jesus irupei, “Tubun en, tamol en ninen o dugudo wak i?”

²² Jesus awan yabig irupei, “Isop inj imado yaup saen ηai fon ηupalu wak ago ilog yen tap, an onsa mel ak i? Onj masap ηai ganurag a!”

²³ Ago tag ru an ifurak go megeloum fidian lo yaug, dulonj gug Jesus ru ibol an awan dusupaleg, “Megeloum an ta imat na wak ago Jesus ibol an,” ago dubol a. Ak gug Jesus ago ibol man tia ya. Inj nek igo ibol, “Isop inj imado yaup saen ηai fon ηupalu wak ago ilog yen tap, an onsa mel ak i?”

²⁴ Megeloum nek emaiak mel an fidian ile ilonj go, gamu ru en igire da. Agod id talonj uyan ak ru e igireg ifulale yen ru rumok a.

Ru wadan

²⁵ Aria, Jesus kulob aenta wei mi igane idu ya, ago gug fidian girek en lo tia ya. Man dugo, ηaisag ilo sou igo ya, ru an fidian digire wo tap man, girek a digire yan fidian tan en lo didirip aben mi tia wak ago ilog isou da.

Anut san bilalug foun
The New Testament in the Takia Language of Papua
New Guinea
Nupela Testamen long tokples Takia long Niugini

Copyright © 1999 The Bible Society of Papua New Guinea

© Faith Comes by Hearing

Language: Takia

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-12-11

PDF generated using Haiola and XeLaTeX on 18 Mar 2025 from source files dated 31 Aug 2023

757b3e4e-2023-5b45-893a-ee9294ddeb9d